



10331

國朝畿輔詩傳卷二十七

長洲陶 樑鼻薌輯

江都汪喜孫孟慈校

成文昭

文昭字周卜號過邨又號鈍農大名阿克罕曾

孫侯補主事有暮鷓詩集五卷二集三卷

大名縣志周卜生長貴盛纖瘦類山澤癯嗜好殊俗偶攜所著詩走京師一時東南譽遂咸納交恐後以主事註籍銓曹

未及官而卒年三十七
朱書序邇來數十年詩新城王尚書稱首德州田侍郎抗行其間二家之論不同門主才識王秉河北沈雄之氣又嘗與田公游故其詩不屑為吟嘯柔媚學兒女子態以娛悅當世之耳目而音諧節協固其性有之非強而然也

國朝畿輔詩傳

卷二十七

一

吳寶崖序吾友成子過村自少攻苦力學無纖毫執袴習氣其賦質文弱既不類北人而發為聲詩復盡屏燕趙之麤豪一歸和平雅雋余嘗問畿輔詩學有明已來如滄縣王世昌藁城石季方及廣平申冕盟諸家皆詩人之表表者要其元本本有典有則未有或先我過村者也紅豆樹館詩話周卜系出相門世其家學嘗問詩法于德州田山薑侍郎又與顧俠君繆湘芷諸公往來酬唱所作古體勝于近體大致以韓蘇為宗開闢變化自成一家案古夫于亭雜錄載門人大名成文昭以宋槧本南唐書見奇則周卜亦嘗受業新城然其詩清刻曬瘦絕無儀形飾貌依傍門戶之習亦未始非豪傑之士也

晏起

雨後天氣佳夢回失春曉起起復欹枕靜意入幽聊
髮忘巾櫛修廊百迴繞婉變城西山弄晴呈窈窕隔江

送青來一變一態好偃仰與孤往游泳愜懷抱有時命
琴樽軒楹淨灑掃以此悅性靈永言謝煩燥

同友人過泐潭寺遇雨

委巷穿曲塘里許入平衍烟中粥鼓動殷殷甍塵倦撰
杖一游目殊異在城縣寧知屐齒勞取次叩禪院幽梵
空界深古燈青紺殿雨意四天低暝色一時亂逆階土
氣涼花香逗一線駘蕩風態饒格磔鳥舌變已足愜孤
賞况復從羣彥生衣濺春泥歸路有餘戀

賈太傅故宅

瓦屋抱土垣門簪白楊樹簪井沒蒿萊殘碑歎石路落
國朝畿輔詩傳卷二十七 二
徧野棠花子規啼不住

晚春侍家大人招同黃小重過鶴言劉書根遊嶽

麓和鶴言韻

入望麓翠濃江烟一綫隔兩槩破春波挈伴曳游鳥白
雲鳥相深叩關訪名釋杖履自蕭閒龕廬絕華飾經幢
靜鳥音齋鉢曬香積斜陽沈疎鐘投憩遠公宅松濤上
流嵐氣入軒碧峭巖新月升雨洗晚春夕惠休雅能
詩况不避酒客茶烟媚禪心竹影繪空壁冷然叢薄間
一道泉聲白撩衣坐莓苔飛觴罄酒炙四座寂無言松
鼠上茵席礪風過耳根夜迴逼境僻捫磴一回首茲游

已成昔千古此冰輪常照胸
樓石

述懷四十韻贈陳東村

瑟瑟秋氣振幽幽客懷但益菊
藥尙苞簷溜滴乍歇枕
書頭卸巾踏被腳辭韞寒雀
啁蓬門佳客到陋室排登
百尺樓直闖三層闥知名豈
今茲快晤話疇昔耕硯蹈
邱園漁書卧林樾肝膽許屠
沽膏肓乃泉石醉未脫醉
鄉狂已出狂國四顧但庸庸
一編自矻矻大言天下要
小補宇宙闕俗累鎮縈牽生
計多隕越妻憂厨不爨僕
訴馬斷齒梟聲互尊杳鬼伎
逼突兀學忙踏槐花放閒
逐楓葉濩落亦其宜瑁礫何
足咄涼雨阻長安金風入
國朝畿輔詩傳

卷二十七

三

短髮親故各酸辛輿隸爲羞
澀逝言避囂雜于役歎偏
从雪壓白門船雁唳洞庭月
塵糟冰雪腸支離偏強骨
三吳蹇淹留重湖過超忽牢
騷阮籍窮淒切相如渴燈
耿壁蟲幽風激窗繒裂五更
屋角雞三尺牀頭鐵十年
皆鑄錯一旦空更瑟瑟瘦羞
鏡明忍寒看筆禿徘徊沅
湘旁躑躅蘭茝側弔古事
憂懷澆塊憤填臆傷心楚澤
吟痛哭漢庭策地以怨臣傳
天爲愁人設感君氣倍真
信君腸倍熱君能鑿我愚君
當恕我率我于君首低君
竟我心折相憐骯髒人同是
落魄客不聞說項斯競欲
殺李白何當大笑諱底用長
太息身且遭世束氣豈因

俗讐堆胸五岳起吐口層冰釋濁醜傾瓦盆淋漓酒腸

寄子白百韻倣香山體

涔涔秋日雨泥滑街不乾塔焉扃戶坐出門一步難老
屋裏江風敗簾吹成團四壁起繁礎一庭瘖暮蟬天末
懷伊人作詩聊破眠予生鴛鴦資環堵常蕭然緬昔乙
亥冬病痼難蠱滯屏跡來山居畏人逃俗緣黎陽古名
邑山水秀且妍大伾祝左峙衛水滌右環更有一峰好
嬌嫋而蜿蜒像形口浮邱城郭俯其巔雄拔王威寧秀
挺盧次樞爲文章事業播在天壤間高人去千載山靈

國朝畿輔詩傳

卷二十七

四

含辛酸荒蕪絕人跡感舊涕泗潛屋瓦壓墮樵欄楹風
雨穿頽壁掛蛛絲犖雜枯菅聾聵一畦丁痰喘腰跼
蹇指說當廳槐相公手植焉景仰先德存祗徇發長歎
盛衰溯今昔浮雲隨變遷頗聞張平子投閒適歸田倒
屣接故人握手而言歡言念及門戶咨嗟語纏絲記始
構此居癸卯歲秋寒少傅曾大父子告投簪還頤養賦
遂初 恩賜買山錢眷戀此山麓於焉樂靜便亂石疊
牆低枳棘編籬蟠百株皴裂柏千箇青琅玕歸雲閣東
叫玉照亭南偏偃仰二老右澄泓一水灣桐陰壓簾靜
草色上砌繁窗牖極開拓廊複相鉤連措置皆古朴絕

不事獲丹拾級漸西北周巾護以欄屣屣得一堂疎豁
天何寬朝挹嵐氣爽暮對翠屏間部曲領烟霞風月歸
平泉杜門絕塵囂著書年復年北地米太史紫繪作圖

畫傳一時名公輩題咏幾百篇於時予未生睹記或未

全臘風雪如掌圍爐話惓惓酒盡叫童沽燭盡呼再然

有時君過我探幽劇盤桓瓦鉢松塵尾竹杖鹿皮冠一

觴復一詠芒屨代輿簞有時我過君敲門夜半天呼君

起夢中各笑襦不褰與人作語柄張癡與成頑君夙嗜

險咏爲句皆雅嫻得意在古調漢魏相提攀又夙善書

法精理特入口楷法鄙歐虞行草咄蘇顏不屑到米狂

國朝畿輔詩傳

卷二十七

五

常諱稱張顛但爲知音者一日書盈千貴耀以勢臨一

畫輿已埃排當二髡童尺幅撐以拳淋漓驚四座磅礴

生雲烟迅掃紙百捆亟磨墨百丸君於古篆法精緊深

究研闡微出傑論辯駁非一端斯豈死千載孺扁訛相

沿不知重道勁但知取纖嬛譬如美婦人美豈在釵鈿

親君見抄技寓內大奇觀刀落儼架舞撇振比鷹鷂常

驅馳途路仰臥車中鐫文彭何雪漁齟齬難比肩君夙

擅岐黃妙悟得真詮疔羸垂斃人立活如奔獾薪傳傳

青主心血苦盡殫君才故磊落君意亦騰騫酒酣耳熱

時脫帽舞當筵慷慨語我葛城作冷官鉛槧那束縛

佔畢不拘牽大開叢相圍奢侈首菴盤有時飲生徒豪
唱羣嘲讎一醉常累日酒述徧市廛縣官不解事致辭
頻來前撼呼半朧醒踉蹌睜目甍奮臂一咤叱撲跌口
流涎俗物亟走避無取汙老拳睥睨一世人士載雄寒
種詫我膏梁子裘馬恥翩翩行身慣作達騰踔紈袴班
款洽兩月留殷勤精粥饒忽忽歲聿暮踟躕整歸鞭馬
首一再回悵快後會慳瞬霎裘葛易魚雁河漫漫我方
去吳楚聞君入幽燕江南塊依劉花縣好迎潘天涯淪
落人形衰病淹煎秋夜爲此歌付之西巖看但知歌有
情遑恤辭多廢歌長辭已窮辭窮意未闌敝廬幸無恙
國朝畿輔詩傳 卷二十七 六

買棹明春旋長鏡披短褐躬耕浮邱山

信陽州 以下七首皆用杜韻

嘹唳鴻聲南相借如我謀來茲楚豫交千山懷一州蒼
烟漲天盡山瘦如悲秋日光淒以薄耿若初月幽牛羊
點遠野何處爲田疇亂水漾寒澌難可以名求躡冬忍
揭厲徒侶思方舟惴惴各慰藉艱哉歲窮遊沙飛蔽目
暗風悲落木稠自非老行邁置此將生憂暮色爭寸晷
西輪慘欲收冷店晚炊熟識我款我留戍角入雲散哀
鳥叫城頭孤檠照雙鬢顧影有輩流孰家又孰客終也
此生浮投牀得大耐勞魂信悠悠

李家砦

眼從看山明登頓得忘苦幽村出山腹耕畝俗近古樵
徑引市通楚楚茅簷聚植枒樹隱門藤蘿挂風雨山尖
四顧合寒月破窗吐淺深青幾疊可以支枕數天空霜
正繁白雁過夜午村醪不貸愁黑甜難徑取

會水嶺

高鳥奮疾下峭嶺摩雲端我行嶺西足東日高障寒哀
壑傳迅風征裘淒以單嶺前衆水滙浩浩怒生瀾遠遊
令人瘦自勸勤加餐嶺背有樵唱如歌行路難

廣水鎮

國朝畿輔詩傳

卷二十七

七

山市得淨好打圍嵐氣溼略約架溪危酒帘招客急清
瑤透長渠漁渡此小集烏糯飲膠牙白醪著灰澀倦甦
山家板宵坐興猶及撥火熨東顏哀吟續猿泣

金口驛

習習江風平温日滿帆席一葉溯寒潮孤興劇泛宅烟
中暝城郭卽目已郊僻偃卧書初開幸息久于役櫓聲
近耳靜鷺行過灘適峩峩大軍山長林布奇石松濤匝
岸清崖翠濃欲滴迎舟苦乞錢居僧老窮戚古寺始何
代門鎖麋鹿跡渺渺翦江帆疾于鸚鵡翻

羅山

聯縣赤土岡探江情有餘霜柳未飛葉寒媚態扶疎古
廟傳鐘磬早市爭鹽魚苦茆屋架竹齒齒高下居樵唱
意自得雞犬多閒舒今冬水落晚沙平溼未除湘頭接
漢尾豈少佳村墟奈何蠻獠俗不解精林廬

廬林潭

織鉤墜寒潭澄波激金赤傍楫靡靡風出灘礧礧石一
鏡碧千頃清暉帶絕壁網罟聚千家醉歌誰主客從不
識城闌綠波問蹤跡生事一牒了悠悠謝驅迫曾見獨
醒子憔悴吟楚澤哺糟且啜醪我自適我適

雷岸謁麴令祠紀事

國朝畿輔詩傳

卷二十七

八

朝驀小孤山暮橫大雷岸舟輕等一匏風峭敬帆半轉
側晷刻間左右遮寒幔跌斜苦欠伸局縮廢櫺盪墜眸
盼港汊暫繫速午爨揮箸得一飽復覬腰腳散踏岸面
颯颯意行殊衍曼背村路犖确穿林木皆灌荒涼古祠
存門掩溪光亂墮檐積燕泥蒼鼠拱几案土封三尺碣
文字亦漫漶掃壁尋遊題詩歌悉里諺競謂屈大夫曾
於此擯竄史冊浩無垠地誌長汗漫一卷秦中吟與人
充近玩老嫗尚解讀過日則何憚屈麴旣以濬古近遂
莫判無忌號信陵胡不并置讚一笑巾欲歛衣垢背貼
汗野店沽燒春掩篷撥爐炭

阻風用山薑集中湯惠聯句韻

人憊困如瘡天慘晝疑夜靈鼈撼地軸陽侯命遠鴛隔
岸盼烟火依蘆作鄰舍倒掣百丈勞斜停十幅卸波作
雷霆喧人語蠅蚋啣呼曹強嘲諧答歌足悲詫祈仙壺
可縮尙力稟難借守株拙有見倖進媚無罅久甘汝南
疑詎報淮陰勝怒恐爲我施禍竟將誰嫁咄哉書之空
嗥而盍不頃澀盡思橄欖甘回喻諸蔗占靡恃杯琖悶
仍藉尊竿魄暗銀未磨宵良金不價明日上元節千計枉畫
脂一笑巧注瓦白雪融矮鑪紅淚滴高樺鼎欲顛倒扛
弓爭左右射當哦初忘飢藉糟邊計嚇觴政酷以理駭
國朝畿輔詩傳 卷二十七 九
壇嚴無赦駢案餓蠶闕倒餅長河瀉風已三更縣興方
午漏乍偏師偶率出險陣豈遽罷未能勾踐忍終傲宋
襄霸規樵湯惠詞荒陋固莫化

冒雪訪靈臬留飲話舊

過江訪名流長衢磴春雪犖雙屐鳴灑裘見飄撇蕪
城記識君懷抱爲君竭淮陰復判袂離懷劇紛折日月
忽不居三年憂悒悒魚素一再通慰寄亦更迭歲寒一
寸心相期無作輟我汎楚江來相思腸百結今日叩君
門拜君謝久別隔牖竹風驚排簷冰溜咽圍爐話一燈
佳吐霏如屑

桐城戴褐夫筆如劔砥灑灑千萬言才大罔羈縛懷
寧劉古塘五字妙綽約陶鎔漢魏間峻潔不蕭弱君嘗
評兩君愛其態磅礴無意附時賢有眼到古作充其筆
所至直欲無空濶鯁生抱痴癖枯吟窮鑿鑿摛辭乏精
英冥搜滯糟粕自顧意不强足供人嗚噓君獨謂不然
試學二子學胡不讀離騷三百再咀嚼排纂入妥帖纖
豔歸淡泊我初不子欺子無宿我諾

人生幾合并難可預期擬冀君主我久懷友念鄉里花
晨及月夕有歎不容已予時勉慰之君歸曰可俟君歸
定念我與今念友似我安得好懷二友夢寐裏言之大
國朝畿輔詩傳卷二十七
十
笑樂星霜速以駛我忽來江南對君念龔子龔君念二
友此日增愁壘我將歸對龔語此還思爾君寧置二友
相思復謀始山水自高長夢魂還尺咫人生幾合并天
風蓬蓬耳

去秋徐行甫以夕字七疊韻詩見示愛其古潔幽
雋欲屬和而未暇今丙戌元日獨坐寡歡偶次

韻寫懷不必示徐也

晨光改歲朝爐火燼除夕忽忽老頭顱雙丸跳何劇家
居厭俗囂兒女喧嘖嘖十年八在外茲晨最爽適古寺
封寒烟間門斷轍跡軒楹潔掃除書帙有倫脊滔滔入

海中幸此一弓僻梵放到耳頻斜風仍間隔枯吟偶會
心理從化人索蕭寂得盛情周旋謝殘客玉蛆儲甕久
臘味香乍坼

人日再次韻東行甫

居果大不易促刺謀朝夕賁賦不值錢窮極仍倦劇蒼
頭對廬兒隔面語嘖嘖一笑姑置之懷人心有適盈盈
一水間迢迢阻蹤跡晚風捲頑陰西山寒聳春新月鑒
髮冷萬象皆荒僻徘徊抱孤影能不悵乖隔把杯孰與
酬吟思枉孤索首春日已入春光淡如客詰朝期訪君
雪泥凍初坼

國朝畿輔詩傳

卷二十七

十一

與仝車同

四海競聲詩誰爲蓋代豪詰聲炫甫愈空疎矜韋陶時
或尙纖麗哀淫竊猿猱欲假温李面無鹽強施膏壤臂
爭壇坵牛耳代遞操低顏貴人門殘肴恣老饕去年來
長安失意心怱怱漁洋去神武厭次墓木高目中無老
成不笑空號咷所幸識劉君高文難輩曹較量眼前人
惟君主風騷天授雄鷲材洪波釣連鰲一燈窮古今萬
類罔遁逃著述欲等身對人恒自韜天欲窮斯人白首
猶青袍計借上 帝里古寺昏燈挑丙夜手一卷吟答
風齧齧冰漸結髭鬚塵榻埋雕尻冢然一語發壯如鳴

蒲牢我生幼放曠二十形塵糟譬田疇不肥繁氣分蓬蒿
翦除借利器根蔓庶盡薶奈何鈍斧斤有力將空勞
望古無薪傳心肝口煎熬攢眉時苦吟纔比寒蟲號再
嚼味何有一笑還空螯劉君獨見嗜君亦枉口褒僉曰
壺寒瘦肥膩憎時髦生能邁知已死不恨所遭市酤聊
可醉寒雨零山桃

暮春吳寶崖邀同人集章氏園限日字

旅食賤韶華困眠撥書帙誰解匡鼎頤自鄙方干膝不
知蒿沒階常疑窗就日初聞友喚遊豁如鼓愈疾騎馬
長衢來衝塵清境出邱壑白窈窕水木相明瑟掃開羊
國朝畿輔詩傳 卷二十七

十一

求徑引入芸蘭室拂楊柳陰涼篩簾棟香密萍梗暢平
生騏驥競超軼高懷同澹蕩豪情並崱嶇盛駕竹林雙
能媿建安七次公亦醒狂

謂坐中不飲諸公

懷祖但真率

子自謂

黑甚半蠟蠶紅藥破繭栗滑走櫻桃圓脆翦蒲芽茁政
行曲流觴墨飛爭泚筆跛足空望塵麤才難縛律鈍甚
服箱牛匿深處禪蝨揚說項多情元儕白增恍坐已玉
山頽歸怕金吾叱聊盡一日歡長同魚鳥逸

題顧俠君秀楚草堂圖

前歲客吳閫清駛風舶趨望中道翁家興闌吾未到今
年住燕市磊落得同調示我行看子林泉精寫照溪路

轉幽聞烟蘿入窸窣鳥啼若迎人花豔皆含笑柳下凭
藤輪竹邊沸石銚茅堂在佳處鉤簾展清眺好景會萬
端一一領其要觀圖得長喟佳景恨欲剽更聞主人翁
才名自年少哦詩饑不知好客癖難療如雲集冠蓋傾
心有屠釣自從開此堂盛事東南饒如今暫拋擲金門
來待詔職掌是詩篇明堂與清廟此圖且藏棄等閒莫
首掉長讓山野人閒雲宿荒嶠

長句送舍弟歸里

枳籬瓦屋一圍水蜿蜒略徇城西隅老柳百株紛偃仰
繁菊爛熳敷瓊瑜瓜畦枕井豆壓架棗枝當戶紅扶疎
國朝畿輔詩傳

卷二十七

七

蟹螯初肥菘韭碧十分秋色盈吾廬命不如人常坎墮
擲揄路鬼欺狂迂弟兄落拓走江外吳關楚塞長馳驅
吾家世德素溫飽耕讀豈復諳世途卽今人事屢遷變
放眼躡足皆榛蕪江頭送子乘秋去握手灑淚還踟躕
禿樹昏鴉號落日寒原敗葉吹酒壚負載書卷一羸牯
拚擋行李兩獠奴疲驢板橋踏霜月油燈山店啼夜狙
爾方歸娶成人列讀書力穡爲良圖安貧屏跡守環堵
莫以困頓增歛歔我昔裘馬快馳逐味比嚼蠟兼茹荼
病態麀糟滯天末風雨憔悴悲三閭魂夢故園草堂側
朋儕圍坐傾醞酒酣耳熱儻相憶三歎鈍農盍歸乎

送過鶴言歸當湖

當湖逸客過鶴言人淡如菊才飛騫骨瘦峻嶒健黃鶴
雅重之中風流存力扛龍文百斛鼎勢倒三峽傾詞源
前年把臂在燕市秋風共棹來湘沅沉儼屋相依又一載
酸齋冷粥足饗殮吾輩但爲文字飲陶陶永夕陪春溫
昨朝別我束書卷忽忽行色還故園我病澆旬扶不起
連宵風雨江聲昏望鄉亭子野烟裏絲絲柳色浮青尊
洞庭水打天破碎漂沒一點君山痕放眼揭袂一長嘯
雲擘絮從衣帶翻我夢此夜逐君去荻烟葭月招陰魂

倉頡廟

國朝畿輔詩傳

卷二十七

十四

欲顯欲晦西日黃乍凸乍凹路羊腸鬢髻幾樹立僵僕
孑孑一衛行踰跟笑兀不知何王殿蒼蘚一寸合古牆
榜題剝蝕昏莫辨碑石崩壞歛兩廂白晝陰森絕可畏
狐狸魍魎應潛藏堂上一人形貌異偉丈夫容王者裳
九尺之軀美鬚鬢睽睽四日含精光嶷如斷山凝不動
芒耀四射不可當何年曾作皇帝史雨粟泣鬼開天荒
結繩以前太朴略史籀而後偏精詳爰厯博學未失古
陳倉石鼓空紛張落翮大鳥創一格能事已極蔡中郎
魏晉以還楷法出姿媚趁入時世妝何如省事仍舊貫
是道其或足以臧汝州石刻卷第一二十八字何軒昂

真耶屢耶杳難溯但覺元氣塞混茫人生識字憂患始
余也於此多荒唐空階積土餘鳥跡縱橫絡繹分款行
得毋示我六義義祗徊再拜心徬徨驚風忽起廟門閉
餓鳴飛下黃茅岡

武昌吳故都

炎靈四百劍璽遺鹿特龍戰分疆睡四世五公尸餘氣
名高俊及豚犬嗤治則能臣亂奸宄沛國孝廉才果奇
早識樓桑織履客英雄捨君與操誰南陽躬耕人忽起
涸魚值水風雲隨隆中一語自絕識江東有人何易窺
獅兒騰地氣蓋世睥睨叱咤非常姿霸功垂成付阿仲
國朝畿輔詩傳 卷二十七 五

任賢使能儂讓伊父兄事業新料理紫髯碧眼麾熊羆
一火赤鼻曹膽破回烽白帝劉家危襟吳帶楚幾千里
遙遙天塹險所基乘時秉圭僭裘冕飛樓崇堞開岩磴
賢豪濟濟侍帷帟士馬驍驍張鼓旗文章怕令子布見
曲詞誤有周郎知風流一時照江表六朝佳麗實創茲
再徒建業廢成蹟降幡一片波鳴悲未須卻正更詞費
底用徐盛空漣洒臣亦設座待陛下爾汝之歌差解頤
荒墟蔓草雄圖了天淡雲閒又一時

石鐘山

石鐘之山天骨異皺瘦透露凌崆峒上下屹立距百武

爭雄長如齊楚邦
嵌竇俯疑探蛟窟
嶄巖仰訝垂星斗
搏人陰森萬奇鬼
撩衣鉅利千鋒縱
眩神已入諸葛壘
緣身若舞都盧槩
窳壑有風撼地軸
遙空一線開天窗
我來見形神欲王
聆其聲也心應降
函胡清越桃花汛
嘈呖鞞鞞秋風縱
沙肥石涸不掩趾
微餘細罅流淙淙
韓公南岳蘇海市
將循例請真愚
燾萬石蒲牢於茲大
奈何將以寸莛撞
去路不能無餘戀
小舸危纜牽橫缸
千帆片片滿落照
一盞酸醪燒明缸
笥書快翻徧百卷
儲酒急倒盡半缸
酈元註古筆稱雋
眉山記好文無雙
擊舟絕壁興可遡
一梳殘月流空江

國朝畿輔詩傳

卷二十七

去

拜左忠毅公墓道

有明二百八十載
神熹之際難具論
泰運中否邁陽九
乾綱陵替風塵昏
南牙政柄歸北寺
師保不恥甘兒孫
桓桓高顧葉李繆
兩周黃魏文萬袁
東林君子自不少
其如天聽閉九閭
刑餘羅織無遺策
當陽鳴鳳絕攀援
犴狴一時修陰火
囊頭三木哀血痕
其間領袖推楊左
上追黨錮繼武蕃
范滂有母見子死
李固無女藏孤存
若垂星日照天地
氣作河嶽彌乾坤
大名定興與高邑
砥砢堆裏分瓊璠
畿內三忠犄角立
狂瀾一葦隄奔渾
小子忝爲文穆後
仰志先德帝弗諼
兩過應山弔忠烈

龍眠今得窺牆垣山高水清西日瘦長松亂棘蒼雲屯

閩海偉人譜公節

神道碑爲黃石齋先生作

殘碑三尺纏藤根維先

少保辱公友泊先少傳出公門至今尺牘牢藏弄綢繆
廊廟千萬言景行仰止如神在小言詹詹媿莫捫烏尾
畢逋冷荒隧青林白月來忠魂

次韻贈劉太乙

春鳩穀穀啼隔巷槐陰濃暹鄰牆蕩把書旋怪睡生魔
得友還欣瞽有相日長茗淡許過從月靜花晴遞酬唱
男兒何莫事疎脫客子尤宜省惆悵未云栖託得好佳
亦祇清修足爲暢委懷要是絕塵埃置身自可謝依傍

國朝畿輔詩傳

卷二十七

七

陋學空攀君子交才名久讓丈人行
踢翻老鐵跨茶陵
弔古從頭悽以愴我得公幹白首吟何殊敬叔千斛飽
載筆方將值玉堂鼓枻只堪牽白舫閒身欲侶李長源
謂牟山
散人名愛陸魯望怡樂空輸山水間勞苦差便廟
廊上此生定分付支離此語何曾屬謔浪若向江湖索
報書烟波大地鷗無恙

疊前韻贈日容

賣花聲偶到窮巷吟情欲逐蝶蜂蕩不是言愁卽憶家
開口翻嫌乞兒相劉文示我匠門詩塵土中聞小海唱
忘餐不厭讀百回潤沃枯腸破惆悵輦下論交什百輩

塵上無君情不暢何遜久爲沈范傾

新城商邱

十五子外許

誰傍胡爲于我洞妍媸識顏早締陳雷行不嫌僑野氣
不除却憐鹵莽詞悲愴相期相聚省折簡一壺一盞便
村餉街塵那惜覓驢錢醉顛忽似乘吳舫瓦瓶芍藥香
正狂佛場境寂月初望談旨恰當支許問詩態突出元
白上文通才盡筆無花牙後腳根憑孟浪不眠一夜旋
枯螺知更煩君問無恙

疊前韻贈李牟山

卜鄰與君不隔巷一閣風鈴兩院蕩入門惟怕暱俗僧
過殿何曾瞻色相簾垂清晝靜宜人睡起不聞午雞唱
國朝畿輔詩傳

卷二十七

六

騰蹕豪情鬱怒才詎關兒女子惆悵對君直若飲醇醪
融入四肢得酣暢知我能勝我自知齊魯肯容邾莒傍
相憐且莫擬夔蛇終慙躑躅儕行行將軍污尼乃敢噴
醉尉罵人空悲愴殘杯冷炙謝侯門胡萋澤蒜甘野餉
板壁疎櫺老衲居疑是牽來岸上舫卧將白眼看時流
未必成仙皆脉望無可奈何夷惠間儘有襟情懷葛上
與天執拗費商量一葦洪濤衝巨浪匡山頭白好歸來
短衣匹馬應無恙

疊前韻贈顧俠君

門才藉甚烏衣巷九霄健翮扶搖蕩荆璞難教時匠知

渥駟右就圍官相千秋業早著名山不隨浮世淫哇唱
高山石鼓陣堂堂作鄭無人苦惆悵拚將歲月付雕鏤
釐正分拏得清暢郊島藉湜李習之如與周旋日相傍
功臣寧獨讓蘇門矯矯武子同輩行我生識字愛硬語
飛霞誰乞空悲愴得佳槩木勝指南刮眸去翳謝奇餉
暮鴉老屋插架書曾自江南載運舫何當歸去屏塵氛
蠡測管窺差可望經年只似賈胡身鴻爪深留雪泥上
節迎重午杏垂金夢到鄉園麥吹浪虎頭曾否我同心
厨畫糊題可無恙

疊前韻贈龔孝水

國朝畿輔詩傳

卷二十七

五

記否偕棲鐵獅巷清波十晦烟光蕩榆柳荒廬卽野人
兒僮里諺傳丞相古屋三間西牖明秋花一院寒蛩唱
澆書酒綠快淋漓聽雨燈青坐惆悵睡來毀茗致復佳
晝裏論詩理能暢布幟青鞵興欲闌隱囊塵尾閒須傍
狂嫌阮藉涉支離癩笑嵇康有輩行棋爭一劫亦足欣
史閱千秋半多愴畦蔬旋翦晨露香塘魚出網晚盤餉
夕陽留客倚孤亭夜色催人上輕舫橫笛短簫恰解隨
小月高山如在望好景潛消醉醒間塵勞忽夢蓬瀛上
也知 帝里居大難何事天涯跡同浪眼前遊玩別升
沈况論草木能無恙

疊前韻送王秋史歸濟南

流泉鋪地柳成巷水光倒浸山光蕩百年遞授到詩人
一亭舊屬棠川相清泉白石都拋置來啖紅綾聽臚唱
莫矜小鳳好頭銜猿鶴相識夢惆悵朝來鄉思見新文
舉舉歸學達夫暢眼中之人少似君逸態真堪魚鳥傍
數篇吟老不知貧男兒行處是行行心持一瓣南豐香
淚含幾度西州槍謂德州公城南蘭若棗花殘枕簟茶瓜留
客餉話到故園墨露香開尊正駕義鯉舫秋史云濟南夏酒名墨露
德水鯉如玉亦夏出我聞歸人述歸樂饑食肉糜何敢望旅魂直
欲逐君飛廿四泉邊佛巖上風籟吹牀林弄簧石雨濺
國朝畿輔詩傳卷二十七 二

窗硯鳴浪屋埋黃葉一燈青看君細詠泉無恙

疊前韻寄柯南陔

學士湖波接竹巷

張樸園學士客楚州之湖上闌門一閨百詩徵君有學士湖之目

燈清光蕩烟霞結習好樓居何人識得神仙相溷塵時

復出新吟流入采蓮女兒唱天公怪汝鉤物情罰住名

場暫惆悵紛華城裏有丹邱傲帚千金聊寄暢

南陔集名丹邱

赦

帝怡情寫作鍊藥圃與我周旋只我傍今年隨衆走長

安聞踏踏歌尋輩行我生常骨排頑軀形槁心灰步舍

槍熊經鳥伸旨未諧欲就君分麻姑餉執鞭賤役定不

辭亟須攜上竹葉舫胡爲掉頭不肯住烟霧東溟空所

望安得解脫御列風囊眼追君滄海上虛無有路回雲
車龍鬪長空狎高浪釣竿寸寸碎珊瑚詩卷人間永無
恙

疊前韻憶舍弟爾長鄉居

碌碡春圍桑柘巷捫腹披襟日嬉蕩舊畜黃犬識客馴
新買烏犍就醫相南天雷動聒農歌西疇日落聞樵唱
耕烟耨月費斟酌量雨占晴亦惆悵一年之計一身勞
十斛纔收十口暢睨他兒女索果隨約得村翁結鄰傍
甕泥旋坼雜清濁少長開顏擊輦行新聞縣令斷如神
故典中郎孝堪怡黃瓜留伴黍稷筵紫樵檢附硃符餉
國朝畿輔詩傳卷二十七 主

安步能勝款段馬駕險正怕鳴夷舫渭川千戶願何奢
鄉里善人名過望夏糧秋稅吏不來飽飯酣眠策最上
粗知律已免郎當不敢勸人從漫浪棄家行腳噉名人
十丈塵中可無恙

虞道園觀歌爲李後圃作

人牛隨地擇術先第一計左耕石田迂疎可笑蔡洪語
欲將元默祈豐年淬妃有靈呼不應豈關人事未盡虔
棗心蘭葉作供養二螺九子供周旋區區瘦瘠祇一畝
窮人不怕愛逾專佳話自古可勝計贈貽壤奪紛駢闐
庾翼捧來蟀矜好陶穀碎後魚堪憐書生癖不異今昔

千年遞授誇流涎簣齋吟几一古物綺文穀理温而堅
金星眉子不敢侶水舷角浪難比肩攜久磨多未暫捨
鋒稜雖缺形猶全背銘舊主人姓氏記曾相識湘江邊
下雋城中客春客乾明破寺參枯禪豐碑偉立半剝蝕
伯生老手揮如椽想見當時君被寵學古錄助成千篇
問君今日又何幸流落得主宰非天道園後圃名輝映
老吏何敢攀謫仙我病牢愁棄泓穎墨瀋乾漬支頭甌
置爾閒處爾厚福玉堂新樣看先穿窗明几淨日卓午
飽聽鼻息如雷眠

題宋姜銘郡丞鷗邊洗琰圖

國朝畿輔詩傳

卷二十七

三

人生至樂惟田廬宦成栽種計已迂倉皇百金買不得
坡公詩語良非誣商邱公子太瀟灑鷗邊舊業傳新圖
古梅百本恣竊窳蒼筤萬个吹笙竽層軒四面竹聲裏
老屋一片花光扶書籤畫本裝潢好湘牀棊几織埃無
逶迤引人最佳處古藤纏絡柏不枯臨淵據石趺坐者
胸有遐寄美丈夫目逐輕鷗汎容與神怡流水情閒愉
瓦童黠慧解人意要是阿段青猿徒大小琰得十餘器
柴汝官哥定名殊沿流淨洗洗更再主人未始煩指呼
千堆遙翠白鳥破一灘細穀斜陽鋪如花好景那易見
展卷使我空踟躕三椽舊曾傍水結今年想像應荒蕪

君方佐郡遠鄉國我亦索米羈通都何堪泉石擾夢寐
畫中聊復爲懽娛

和杜甫杜位宅守歲

寂寂老僧家寒燈慳作花年光磨鬪蟻生事笑塗鴉街
鼓初聲急簷風一縷斜朝來有鄉訊怪我戀天涯

和羅隱除夜

客餽房山酒相依小弟傾蒸將新歲火坐徹去年更春
好歸應遂歌狂憤漸平傲他騎馬客列炬入承明

懷李東臯

燕市衝泥別青楓白雁天西風梁苑騎涼雨秣陵船

時東

國朝畿輔詩傳

卷二十七

三

臯之中州子之白下

江月悲湘瑟春山老杜鵑懷人如有意一櫂

洞庭烟

送陳秋田之官荔浦

斜日寒山路行軒起細塵情攀薊門柳目送荔江春墨
綬迎仙令金臺失酒人玉溝頻悵望六六寄書鱗

送客春明外離情日向西冬迎桂嶺盡月到楚江低荔
子千頭熟蕉花十丈齊黃紬散衙鼓先試選郎啼

出都

又整還鄉旆依然十月中寒雲膠復動野水凍旋融瘦
馬穿黃葉高鴻怨朔風春明重回首牢落意無窮

上巳日家叔舍弟小園讌集言別

平池高柳晚棲鴉白羨勞筋暫息家草草杯盤過上巳
忽忽行李又天涯半生慣著他鄉句兩載空辜故國花
骨月開顏莫容易村伶舞徹鼓三搥
粉榆風物足安恬來去誰教突不點人自耽愁同衛玠
僕何多恨似江淹文迂乍可書驢券馬鈍猶知駐酒帘
藥裏縱橫伴泓穎奚囊一字未曾添

憶湘南舊事再寄元叔

已公屋下禮慈雲幽唄時從竹裏聞牆外山光晴疊髻
檻前湘色淡拖裘栗留靜似迎陵囀簷葡萄香疑優鉢熏
國朝譏輔詩傳

卷二十七

十四

共笑清齋連水厄幾多佳話袂輕分
北行辦瘼

忽忽去意不容遮又束牛腰書滿車春色闌過穀雨節
小園放到鼠姑花十千慣買他鄉醉一種難拋此日家
蕭寂空齋成久坐竹風敲戶月初斜

夜坐

風雨江城老客思雁聲誰遣到書帷半生腹笥容澆酒
一寸眉峰正鬪詩螢亂疎簾窺瘦影月低秋水照吟髭
槐花吹落知多少打向空階不住時

九日

孤城碣杵亂寒蟬獨倚西風數雁行九月江濤催客鬢
兩年藥裏伴重陽傾瓶桑落三升碧鋪徑槐花一寸黃
不用登高舒倦眼感時王粲久懷鄉

病起雜詩示遺安公錫雲生諸子

當筵鮑老笑郎當阮籍雖貧未減狂身世塞翁悲失馬
文章列子說亡羊楸枰且作觀時局紙帳翻傳獨醒方
栩栩讀殘齊物論漆園久已混彭殤

慷慨悲歌酒一尊消磨壯志幾分存赤苓白朮新期輩
紅袖烏絲舊夢魂厭與惡賓摹漢隸喜聽弱弟背齊論
日晴卽算揚眉日絮破高攤曬竹軒

國朝畿輔詩傳

卷二十七

五

百泉坐月懷友

新雨蘇門展翠屏閒雲淡盡露泠泠月沈波去千九白
樹到樓中一嶼青風外孤飛螢寂寞尊前瘦影蝶伶俜
故人今夜清光共定倚萍灣柳下亭

潭勝渡漳河

春寒料峭到鞭絲人耐風威馬耐飢聒耳河聲潭勝口
夕陽喚渡記年時

邢州懷張九丰秦中

裾聯野寺杯無算別話秋齋燭再燒張緒風流今不見
一株楊柳弄春條

風聲浙瀝雨聲柔客裏風光淡似秋誰道相思難寄與
邢州有夢接涼州

淇門

柳絲瑟瑟水粼粼
短亭長烟外村馬上冷吟如中酒
黃梅細雨過淇門

合肥

港上寒禽比翼行
港頭拱樹接柯生
迢迢灑水東流去
不及廬江小吏情

國朝畿輔詩傳

卷二十七

美

國朝畿輔詩傳卷二十七終

國朝畿輔詩傳卷二十八

長洲陶 樑鳧薈輯

錢塘吳長卿更生校

廝廷儀

廷儀號南湖靜海人杜訥子康熙三十九年進

士歷官刑部尚書諡文恭有雙清閣詩稿八卷

畿輔通志南湖由進士人翰林父子相繼直

內廷二十餘年誠敬肅密遷內閣學士兼禮

部侍郎 世宗憲皇帝御極授翰林院掌

院學士大功大典多所贊襄累遷刑部尚書十

年咸推明允 御書於慎平恕額賜褒之

加太子太傅晉吏部尚書仍掌司寇前後陳奏

悉關大體遇事無鉅細一本小心而廷議侃侃

不避怨不辭勞公直自矢與人交胸無城府每

薦士類惟賢與 能年六十四卒

張廷玉序公詩喜自道其性情不事雕琢辭約

而旨遠其於風騷之原漢晉唐宋以來名家之

芳潤無不挹也傳之後世 當與謀猷政績並垂不朽

張鵬翀序公詩才情粲發格律渾成而性情溫

厚措詞和雅讀之使人油然而生忠孝之心尤長

於樂府歌辭激昂 磊落自寫胸臆

善哉行

陟彼高山虎豹當關涉彼大澤舟航莫攀迴車返轍棲

真自悅形隨世偶心與境絕拂我瑤琴寫我素心鴻雁

蜚鳴哀不成音白露晨流紅日西投顧瞻桑榆實啟繁

憂鬱鬱林樹青黃載路榮落無時推新代故百年如昨

云胡不樂神仙欺人不死無藥

白馬篇

白馬黃金勒四足隨風起千金買寶刀六郡良家子朝
齧陰山雪暮飲長城水橫行薄瀚海一日能千里雪仇
不顧身報主寧恤死壯士悲暮年良馬惜暮齒坐老風
塵中窮年胡爲爾月出沙磧黃日落塞雲紫獨立橫秋
風長嘶謝知己

升天行

浮邱跨白鳳招邀玉女扉海山復何有仙閣高巍巍飲
我以流霞衣我以羽衣王喬顧之笑此樂世所稀朝騎
黃麟遊暮倚青鸞飛千載但瞬息令威姑一歸城郭雖
國朝畿輔詩傳卷二十八
二
如舊人間常苦饑

秋懷

風淒梧白脫露滴鶴知警長空滿秋思高雲寄孤永飛
鳥倦斯還退猶不失猛循塗乏善步利用愧短綆置身
材不材焉知非天幸逍遙撰茲辰煩囂得暫屏

中秋

淒淒涼露下獵獵晚風吹芳花疑不開飛蟲潛抱枝撫
節仲秋月已作授衣時久雨隄防失禾黍存子遺四野
停潢潦斥鹵侵階屐積陰氣早寒露坐非所宜旣絕豐
年想况徂清秋朔寒帷對孤影蒼涼來何遲情親向燈

火羌笛生清悲且盡暖寒酒誰復憂朝饑

次答瞿雲暉留別韻

淹留擬判年言別各悽然苦雨黃花後悲風落葉前蕭
齋懸客榻匹馬度寒烟屬和知音少相思欲輟絃

秋吟

山淺浮雲盡沙寬野水歸涼宵稽客枕秋氣蕩生衣辭
社燕將去依花蝶暫飛便愁霜霰至搖落送清暉

除夕

十載長安逼歲除於今情味較迂疎童心只喜年光換
壯志偏驚歲月虛浙瀝聲催殘臘雪氤氳繞紫宸

國朝畿輔詩傳

卷二十八

三

居趨庭叨得天廚味又拜

新恩出直廬

宿興集題壁是日立春

小市雞豚歲事新十年重度故園春暖生茆屋韶光別
醉覺邨醪野味真已泮河流迴淺岸欲舒堤柳拂輕塵
祇今風景渾如昔只少椒花作頌人

重陽

白雲紅葉動關愁聊把清尊當臥遊爛醉莫題明日事

黃花雖好是窮秋

題杜紫綸小照

樊川詩價比璠瑜索米金門貌轉癯閒對落花思往事

十年情緒似今無

譜出新聲楊柳枝才名爭羨

九重知長安花好

連鑣看莫憶江南夢雨時

戴寬

寬字敷在號裕庵滄州人康熙三十九年進士

官翰林院庶吉士有裕庵遺稿

滄州志寬大司農明說族孫幼穎悟嗜學遊天津學于劉公旭年甫冠成進士詩文新穎秀發有登吳山第一峯句云振策上吳峯人在飛鳥背吳越兩郵亭滄洲一襟帶何處辨齊州蒼蒼但烟靄一時傳誦以病乞假歸年三十二卒

鹽池

國朝畿輔詩傳

卷二十八

四

築地作鹽池池光朝灩灩不聞烟火聲天地自烹鍊微

風從南來雪花積璀璨上以充

君庖下以供征

歲有白 繕鹽進貢

餘波及閭閻古制良甚善不知自何年招集

來商販驕奢擬王侯奴隸視州縣計口派食鹽錙銖入

奇算百錢不盈盜况乃泥居半哀墟里人味不充藜

苳荷鋪者誰子

謂竈戶也

搯捐泥没胥鹽成不敢收指揮聽

壟斷兩間有美利本為生民便安知兼并徒奇貨思獨

擅造物忌滿盈

朝廷樹綱憲不見囹圄中囚首髮覆

面君子貴知足小人戒無厭寄語謝持籌前車勿再踐

題賈方虎舍人射獵小照

北平十月風沙黃凍雲壓地天蒼茫雪花如掌鋪琳琅
千山萬山森劍鏃誰其獵者紫薇郎當先一騎神飛揚
七寶之鞭珊瑚光千金之裘狐腋良并州健兒身手強
飛鷹走狗羣相將風毛雨血南山陽百里禽獸皆深藏
歸途絡繹懸黃羊據鞍餘勇猶激昂笑余見獵心悵悵
故態復起狂奴狂何時得挽青絲韁短衣射虎南山岡
男兒志期掃天狼草間狐兔不足戕

楓嶺道中

過嶺人家近村村繞石田截流通野曲架竹引山泉鳥
下衝寒靄僧歸破夕烟梅花應似我零亂灞橋邊

國朝畿輔詩傳

卷二十八

五

雨後東海道中

潑墨雲深雨腳斜又添生意到桑麻撲衣新綠低槐乳
夾道清香散棗花古壁丹青野寺疎籬烟火見人家
兒童指點東瀛路碧落晴消萬縷霞

高光宗

光宗字晉一元城人康熙三十九年進士官吏

部郎中

秋思

無邊風雨入重陽雁到江南處處涼衰葉驚殘鄉國夢
寒砧敲破故園霜風連竹響從秋落雨帶潮聲徹夜長

一片閒愁無語處楚山烟樹盡蒼蒼

胡琇

琇字文玉號兼山南樂人康熙四十一年舉人

魏囁傳兼山素行端方守正不阿著有韞山堂四書講義易經析疑詩宗少陵間取李于鱗

古古

過倉帝廟

策馬繁泉路蒼松野廟清結繩尊古制造字啟文明傑

閣寒雲霧荒墳夕照橫千秋懷雨粟瞻拜若爲情

王居建

居建字霞起號述園開州人康熙四十二年進

國朝畿輔詩傳

卷二十八

六

士官翰林院庶吉士有述園集

馬允剛序述園詩筆峭拔句有鋒棱無平熟之病五律元本盛唐七律學大歷十才子不雜宋

元卑調

雪中蘇珽六表弟招飲

瑤花歷亂墜長空折柬招邀興不窮乳腳試茶烹洞芥

爐頭煮酒酌卽筒叫雲笛弄桓伊月跨鶴笙吹子晉風

愧我撒鹽無好句一腔豪興醉吟中

薄有德

有德字曰修大興人康熙四十二年進士

送別成周卜

如君那似相門胄肯約吾曹作雅游脫口清談落玉屑
快讀妙句嗟風流疥牆匝月閒題徧羸馬三秋歸去休
一盃前路好吟眺野籬細菊行將抽

牛天宿

天宿字戴薇號青延靜海人康熙四十二年進
士官河南同知有謙受堂詩草

雪夜遣懷

善世奇方祇閉門無窮心事向誰論逢人競厭鬚眉古
到處虛推行輩尊送臘可無瓶內酒迎年自有柵中豚
老夫卒歲惟需此此外經營任子孫

國朝畿輔詩傳

卷二十八

七

王企堂

企堂字紀遠號雪坡雄縣人康熙四十四年舉

人官江蘇荆溪縣知縣有雪坡詩稿四卷

史孫述序邑侯王公蒞荆一載以太翁年近期
願請改教歸養出詩稿相示意則溫厚和平格
則謹嚴雄渾一切風雲月
露之態不足當其一映

水淀荷花

水淀浩無涯東西連滉漾平時水不風波面平於掌夏
日菡萏開九令煩襟爽吾生惜景光行樂及時往載酒
挈良朋中流蕩輕槳翠蓋與紅衣一望渺且廣人在鏡
中遊花從塵外賞水清見游魚叢密難下網一曲采蓮

歌臨風散清響玩久不知疲坐看織月上

紀暹宜

暹宜字廷亮號鈍翁文安人吳子康熙四十四

年舉人官景州學正有五芝樓集

立秋夕過怡亭懷靜以大兄

秋信憑誰報炎涼一葉分晚烟迷竹影新月襯苔紋漫
引青藜杖輕拖白練裘有懷常索寞况復是離羣

魏 嶮

嶮字雲岑號念泉南樂人康熙四十五年進士

官浙江錢塘縣知縣有鋤經山房稿一卷且齋

國朝畿輔詩傳 卷二十八

八

草四卷

盧文弼魏公墓誌公稟至性三歲祖母谷淑人
病公侍側不少離常持已箸勸食飲必待普然
後退康熙壬午舉於鄉丙戌成進士先以家貧
常客外謀養凡十餘年及登第歸二親皆年高
遂不出食上必在左右偶近行值風雪家人意
未卽歸將進饌公已趨而至矣連丁內外艱服
除謁選乙未授錢塘縣知縣縣附藩劇稱最吏
易爲姦公下車首先潔己罷民間一切供應晨
夜治簿書斷理獄訟無留牘無通情減正賦耗
羨諭輸租者以時輸子終不銀鐻汝桁楊汝汝
第勿使子不中程於是當輸者咸相勸勿累公
課更嚴故時徵漕米入倉主倉吏饋官千金公
笑曰彼無故而坐捐多金非人情其好不待問
也自止於倉親評米高下令納者自操量畢徵
吏無私焉杭駐防旗丁多不戢市物薄予之直
伺婦人出道上恣笑謔民病之公至輒移所司
論罪遂相戒勿犯魏錢塘頓海塘歲修費不貲
時議有欲令民出家財佐公者謂紳士宜爲倡

公與海盜陳太史同年上官令往諭意公察不可卽往謁陳母不數語馳還白曰豈惟陳氏浙士皆無貲且此例一開貽患無窮事遂寢縣志自明聶令後閱八十年不修公開館延儒士撰輯成書三十六卷所識拔于童子中者如孫灝任應烈汪振甲後皆有盛名分校丁酉鄉試戊戌冬自劾去官時勢豪與民爭墾田爲辭民上官有右豪者公不自得力勾去無以爲辭則以庫貯前令所補金微惡及民輸錢之當易銀者未盡內二事坐虧空免百姓籲留者數千人家居十二年卒年六十有八

答吉敬先

尺素勞相問悠悠感別離關河爲客日風雨落花時儒術謀生拙禪機與性宜買山常有志誰寄草堂貲

同郝元鶴信江二丈訪孫山人

國朝畿輔詩傳

卷二十八

九

媿此塵中人來訪山中客相見了無言笑指春山色

宮鴻歷

鴻歷字友鹿靜海人康熙四十五年進士官翰林院庶吉士有恕堂甲乙遊草淮壩集

煖炕

朔野號天風射我玉肌粟朝出狐謀袞夜臥鷺拳足縮被生稜半牀未嫌促譬以地賂秦尺寸不可復圻者一何巧執塾定方幅東西依兩垣寬平半橫屋北戶瑾巖威南榮就朝旭最宜列高窗取便寫文牘朝治夕以成稱名混土俗繚之青蘆灰緣以白文木施簞有餘地

兩端置箱籠不因徐孺懸難客孟叟踟朝客躡履升文
茵疊方褥葍食隣淮陰長跼笑籍福扶續難比温吹葭
未云速壁燈滴香穗承塵燥葦束借煖活花卉收烟種
萊蕪凍螿跂欲行寒蠅癡不伏誰嘲竈下養此非厝薪
宿惡臥兒不啼吉夢婦頻卜紙窗捲風簾非烟散遙矚
市聲穿枕來鬧坊賣漿粥爬羅出餘燼透露發新燠棄
灰當塗高秦法不可督福過易生災寵多乃延辱炙手
詎足誇熱中亦宜沃坂或名頭痛國如號身毒飲冰消
煩心喫水豁矐目抽薪冷翠釜炎涼一反覆我作煖炕
詩主文寄忠告

國朝畿輔詩傳

卷二十八

十

枯木蘭竹圖

雷公追青蛇破空走枉矢墮此石罅中尾角半枯死劫
火燒千年倔強具生理夫豈不材木偷生待啜竄叢蘭
亦幽人細篠比君子結交來空谷衆芳望披靡嘉植雖
異抱菀枯自齊軌譬之標季運卷舒各有以滄海方橫
流端居思彼美

萬壽寺大鐘歌

鐘高三丈餘大稱之表裏鑄全部華嚴經明成
祖時造今廟已荒圯鐘覆草棘中不懸尺矣

燕邸老蛟角鬚鬚彎弓仰射天庭歆龍孫瑟縮如蛇醫
忍驅長轂蹂江湄自矜勳伐媿軒羲審音按律各后夔

惟夔一足走且疲謂帝涼薄神所訾何用篆刻龍文爲
欲紀功德臣請辭帝亦忸怩心不怡聊探珠藏興淫祠
九牧貢金方軌馳鑄鐘直遣銅山移陽鑪陰炭周四圍
千鈞萬石勞鉗錘蕤寶無射輕毫釐鼓鞀或有神扶持
華嚴象教殊恢奇三周四會張曼詞表裏刻畫同沙錐
蒲牢一吼鯨魚隨卽今躡覆悲塗泥遙望猶似京與坻
篋簾不設誰懸之噲咤發響知何時噫嘻英主多癡疵
昭氏琴果無成虧金山疑冢猶纍纍京師有金山大師
冢相傳葬建文處
天壽寂寞陰風吹成祖以下諸帝
陵俱在天壽山翁仲仆地石馬嘶誰
提麥飯澆茅茨十龍九乳鑄者誰大鐘常有人摩撫

國朝畿輔詩傳

卷二十八

十一

木庵先生壁上觀李松嵐畫松歌

松嵐畫松誰與匹畢宏以來推勁敵數尺根株一百盤
慣將拗筆摹九物學士壁間畫五松株株嶽立爭豪雄
瘦蛟蟠紙多稜節虎脊熊腰姿態絕老幹常捎三峽雲
新枝已屈千鈞鐵風條露葉故依然化工入手天無權
水墨經營極意匠晴烟不斷青連蜷噫嘻乎豔蘂穠花
世所向吾徒冷落知誰向無用霜皮四十圍有時白髮
三千丈願君寶此後彫心桃李春風莫惆悵

倪雲林畫

有董思白題句

清閨閣中塵泥壁雲林宿草深一尺只今翰墨在人間

一紙豈止千金直晴嵐齋中洗眼看韻高氣澹如幽蘭
快劍無痕劖絕壁木葉半脫波聲寒華亭宗伯老好事
卷額橫題數行字手追心摹入微茫謂是荆關落今世
雲林蕭散誰與儔兵戈遁跡歸山邱須知人潔畫亦潔
下視濁世罔蚍蜉

沈石田畫廬山高

有石田自題廬山高古風一首

石田老人筆有神匡廬面目爲寫真筆礪高峯駉駉臥
蜿蜒懸瀑蛟龍蹲更叱巨靈運神斧削出坡陀似懸乳
哀猿下飲難攀條寒鳥歸飛愁墮羽萬古盤渦轉輪轂
三疊水簾珠萬斛游人總向畫圖看依稀認得康王谷
國朝畿輔詩傳 卷二十八 十一

高揖五老看爐峯
牧牛詞

林豐草肥山複沓牛背臥兒如臥榻三三五五渡前溪
麥短不妨牛踐踏羣兒牧牛上南原山花壓帽語笑喧
探雛纔上籬邊樹吹笛還過花外村去年雨少收不足
八口一家惟噉粥阿翁輸租莫賣牛轉眼明春生小犢
長安馬上多公卿白髮仍愁世網嬰如雲車騎那長在
安穩何如牛背行

楚巫詞

紙錢挂樹酒盈筓旋風陰森神下馬一村父老趨如狂
鬼燐神燈照平野楚巫跳跟舞且歌楚姬擊鼓兒鳴鑼
脯脩蠶蕘自狼籍烏鴉銜得升高柯越俗從來畏淫鬼
綵繚神衣盡紈綺一朝堂宇野火焚四壁猶存庭樹死
香案周遭長榛棘盃琰筵篲一時失天陰日暮雨淋頭
偶人猶作猙獍色

江州大雪寄懷韓慕廬先生

潯陽仲冬客舟過風捲雪花席片大清冷不敢開篷窗
布被蒙頭著船臥黃頭踏市買烏薪藁束筠籠冰雪沈
煎茶不成且爇炭綠烟滿船起危坐須臾臍膊飛繁星
國朝畿輔詩傳 卷二十八 三
猝欲遮防更無奈過時吟膝高並肩始聽銅餅蚯蚓和
茗椀爐香何所營聊用清詩洗寒餓鹽絮吟成不直錢
畧似南冠歌楚些卻憶前年京洛游副將府中忝賓佐
荷公忘年亦忘分赤幘招邀刷塵襟永光寺西南市頭
霰雪封髭泥沒踝我亦素解濁醪理百呼不一辭勞瘁
有時漉巾盡一石有時岸幘喧四座壚頭曉日扶桑烘
缸面青筠竹葉拖白雪當筵不敢豪朱顏得酒春先播
風情跌宕氣如雲縱有寒威先禁呵僕來廡下沾殘膏
馬放棧前飽新莖歸鞭不怕催更籌醉眼只愁逢夜邏
比時滕六故依然逡巡不向尊邊墮我公文筆今昌黎

萬象直欲毫端挫爬羅剔抉啟來哲八代同時振衰頽
殘賸一任學子乞襟度從今朝野譎不因沖謙遠聲譽
便恐高名塞天破鯁生此腹何所有敢以頑礦求劘磋
立雪縱愧游楊徒側席頻承珠玉唾自知才命俱人後
廿載名場遭跌蹉飯顆吟成不自聊長門賦就憑誰貨
青衫席帽出都門掉首三年悲軾軻柳車送窮本非策
閩越荆吳一旋磨手版足鞞宰下邑基薄墉高愁負荷
縱有微祿供酒資未抵薄田收秫稞倦鳥無因息羽翎
疲驢豈得辭鞍馱怱怱復作榕城游藥亂花飛沒坎珂
今日琵琶江上舟坳堂一芥愁掀簸荒村寂寞無酒壚
國朝畿輔詩傳 卷二十八 古

水車

敗篋哆張理詩課迴望金臺紫翠間懷人感事真無那
賣文餬口東南州零落酒人還幾箇別來江闊鯉魚沈
世路艱難非懶惰明年又擬踏槐花樂事歡場猶可作
待公澣沐得餘閒醉白堂中一相賀

阿香推車轉山麓馮夷春雲響空谷蛻骨瘦蛟盤古槎
翻尾鷓鴣整復斜呶呶啞啞終日鳴不聞人語聞水聲
造物自忙人自逸似役鬼伯驅神兵水車水車爾何利
勺水寸波俱有稅君不見樵關直到閩海頭那得不算

車與舟

新茶行做樂天

六安山中種茶客來宿平塘主人宅我亦肩輿憩此間
土牀相近蓬窗隔客子喃喃語僕夫今年寒土春不蘇
六安山中雪一尺黃金如土茶如珠進茶例限四月一
三月寒猶刺人骨旗槍未向雪中生檄符已自州城出
何處南枝長粟芽持金轉買向鄰家往年一樹一金直
今年三倍輸官茶儂家有茶十六樹里正來科種茶戶
慳囊撲滿三百文沽酒殺雞寬且暮明朝賣女與商人
七尺銀鐺始脫身官火乾焙局秤大折耗錢增二十緡
幕司齋送到銀臺蠟裹筠籠當面開通進堂官凡幾輩
國朝畿輔詩傳卷二十八

五

徐侶蒼摹古印譜歌

古時作書無墨楮以刀代筆殊覲縷標枝結繩非所安
要以文明振聾瞽庖羲龜龍象既陳頤皇魚鳥篆可數
蝌章初傳宣聖經穗文亦辨神農譜周官六書保氏職
太史變文今共覩上蔡丞相作小篆千禩師承如物祖

秦火以來文字厄往往帝魯呼魚虎繹山豐碑歷劫盡
之采舊搨六丁取銷鑠不存三分鼎破碎誰收五熟釜
荆山玉璽走沙漠成臯印文埋厚土後來祭酒公說文
陽冰披搜非小補不虞鉉錯兄弟間祛妄書成譏莽鹵
徐楚金著社妄
正李陽水之誤今人縱復有微尙但可百千存十五齊

昌徐髯癖書畫酒闌逸興軒眉宇華門蓬戶一何有惟
有湯盤與周鼓撫搨登封詛楚文跨斯拉籥追皇古餘
事刻成一方石三寸精剛巨靈斧格磔聲同錐劃沙滴
瀝形如屋漏雨巧來心手自相應鐵畫金戈出靈府蝨
殘蠶鬚須臾間輕比飄蓬重飲羽案上縱橫玉筍紋尊
國朝畿輔詩傳

卷二十八

六

前拗折金釵股彙成方冊燦星漢甲乙丹黃分兩部品
題卻笑楚才膏天闕竹籐良獨苦識奇無復有楊雄詠
古誰堪追杜甫我來開卷一研玩目瞪心忤手畫肚惟
喜雲開星日懸不虞鬼泣禽魚舞嗟徐君磊落人生
茲僻陋宜孤窶楚山岌業楚水清風雅千年得誰主祇
須斂手待獨鑿無用低眉求衆煦凡物固以罕爲貴未
流蕩軼先民矩世上豐碑多若林金字刻成名已腐何
如延陵墓碣十字強照耀千秋日亭午

玉帶生歌

楊鐵崖有七客者之寮以貯所藏笛琴管胡琴
古甕與硯並已爲七硯紫質玉紋所謂玉帶生

也舊寶於文丞相以贈謝皋羽後歸鐵崖鐵崖作志命門生張憲作玉帶生歌商邱公購得之亦贈以歌諸同人和之

胥江潮落白雁飛誰散鰲足支坤維文山獨抱硯田出
奮筆肩涕揮雄詞蛟龍不合挂網罟虎口自脫非人爲
三宮銜壁水怒立正氣只欠天扶持梟父得硯何所施
用代鉛筑沙中椎曾連蹈海慶卿死女貞花葉空萎蕤
汐社痛哭客纒散起輦谷暗陰風吹此硯閱人傳舍耳
鐵篴老仙欣得之紫袍玉帶稱上客玉筍長句尤恢奇
赤城霞起瀑水隔白虹影貫彤雲垂至寶縱復有晦顯
神物要自無成虧漫堂夫子方晏坐一方輒玉磨隄糜
國朝畿輔詩傳 卷二十八 七

時平幕府罷草檄不須更替廬陵悲蟲魚草木待箋註
門生問字來褰帷相與聯韻效鐵體踏歌更和嬉春詩

亥秋八月送石庵先生扈從之作

七萃輪班大合圍侵陵雪色冷征衣旱車絡繹馱熊至
緹騎參差射虎歸木葉山人去少松花江遠雁來稀
聖朝侯尉無中外幾處離宮帶翠微

上卿秋獮從和鸞玉帳宵聽畫角寒磴道揚旌龍馭過
軍門疊鼓獵場寬磧沙照水痕全白邊樹愁霜葉早丹
聞道西番猶按甲假君尺組繫樓蘭

牙槃賜與割熊肪珠勒銀鞍照地光箭響黑猿牽葉避

弓開青雁趁人忙
屢看鷄塞天邊月
又似龍堆磧外裝
我亦久思投筆去
幾時陪獵到長楊

送王文在尹鄴都

地絕中原俗自醇
平都春望草如茵
揚帆初上瞿塘馬
斫鱸先烹丙穴鱗
兵甲銷時征戰少
雁鴻歸後版圖新
時流人入蜀占
籍者以數萬計
還朝應上賢臣頌
宣室無勞對鬼神

落日春山叫子規
排船琴鶴遠相隨
江分巴字劉焉國

錦疊蠻箋杜甫詩
木佛那堪燒舍利
叢神應怕毀淫祠

邑有王方平廟俗云與冥司相通
君名舊在靈仙錄
且與方平話見期

閩中紀事四十韻
寄姜西溟楊耑木查荊州聲山

國朝畿輔詩傳 卷二十八 六

嚴寶成吳元朗王赤抒宋堅齋團雲蔚湯西崖

史蕉飲汪文升安公

百越雄南服三山近海陲
不知天隔閩坐覺地支離
石

氣千秋黝波聲萬馬嘶
迢遙過嶺日仙霞嶺閩之北門杉關閩之西門

黯淡下灘時北自浙入閩西自豫章入閩灘石險惡各以百數而黯淡灘特著名
蠻俗聊

供笑方言可拾遺
地會無胡雪人不解流
漸草木誰編

譜禽蟲任缺疑
聊因耳目暇一廣見聞
資豔目堆園果

垂涎首荔枝
麝臍香易落荔實時遇麝則落
石背溺先萎荔樹生蟲

如荔枝一生十二粒遇閩又多一粒名石背荔香時即溺溺而全枝脫蒂矣
絳葉盈筐瀉晶

丸帶葉垂水晶丸荔之美種
還愁穉孕早或售
互人欺荔園受賈人直

謂之稜荔有稜花稜青稜孕之別大抵以稜之遲早分
價之高下稜時倩鄉老估直名曰互人樹主稜主爭賂
之亦可封泥活無勞置驛馳荔枝小幹泥封一二年生
根花時截取郵致京師結

實無異 綉枝防護密夜燕所過則荔子一空害又
甚於石背故防之甚勤苦 龍眼唱

歌遲倩人採龍眼恐其恣啖故采
者相約歌勿輟謂之唱龍眼 佛手窠非柿會城外
齊坑道

長六七寸皮穰色味皆柿也 鰕頭儼似螭漳然龍頭
儼然龍頭

大可三四觔 品茶知太姥太姥峯茶
品極貴 咋舌羨西施西施
舌會

味美如蟹螯 城亦不常 柱剖江珧美春隨海扇移海中甲物於春
三月出名海扇珠蚌

佐羹臠小蛤
名 石蚌長菱蕤一名龜腳
春而發花 蠢動憐沙喫無首
無目

僅能蠢動觸之則縮小徐復臃腫味 蹒跚笑海蟾海中
大龜

飛翔龍蝨出八月十三至十五海濱龍
蝨飛集取之餘月絕無 束縛虎螻蛄蟹

國朝畿輔詩傳 卷二十八 充

大者名虎螻蛄 鬣鬣空盈甕土人重之
味極不堪 蘭湯亦滿匙閩人以珍
珠蘭點茶

不聞有毒珠娘擔石過閩中呼婦人為珠娘言其貴重
也然地狹民貧凡負薪駕舟皆

役婦人為之 颯母踏波嬉象譯唐朝壤日本呼中
國人為唐人錢刀宋

代貨延建以上
多用宋錢 雕鐫疑鬼物刻畫見鬚眉雕漆器及自
鳴鐘皆有專

家絕技如鬼工然 抹厲于章樹有高二三丈者
花亦絕不同 猗蘭九畹姿龍

頭蕤燈火龍蝦空其中
燈觀者駭目 魚魴絡籐絲魚魴蘭吳越亦
間有之莖白葉

劍立者是也魚魴嬌則莖細如藤 蜒戶泅波出礮田帶

絲力不勝花開時橫陳密葉中 火治閩地多山山麓盡
治為田曰礮田 搏沙珠繖孕汀西邱坑口礮土
一寸許有珠大如

粟光稍晦相傳汪革據欵巡行 告廟土牛為取土於閩
忠懿王之

廟牛始可成 魚訝連山大鱗堪一木支魚骨可
作樓觀 竹森如擲火

曩見畫家寫竹用疎
不意延建間實有之
榕蔭似披帷俗習干戈便
兵後尚武人多

趨捷恥一人操硯席隨
又以文事相尚至於
夫之敵
賦獲賤隸多能文者
蝗苗代錢

縛壅水爲田種蝗其中
蝻初出蠢蠢如蠶子
螺甲透穢穰古之甲煎香
卷舌

殊離語文身漫浪兒
閩俗多雕青者
稗官留小說淫鬼踞高祠

所祀鬼神都不可解最可怪者洛陽橋祀夏得海會城祀齊天大聖
述異資談藪催詩倩

酒卮荒唐來絕域懷抱向京師鐘鼎諸公業山林我輩

期雖憐趨舍異未覺性情歧大海難蠡測奇聞只管窺

采風誰氏職聊用播聲詩

玉清仙子亦號珠湖居士秦郵陳氏女也精三式

之學壬遁兵占九得樞要便弓馬習騎射信異

國朝畿輔詩傳

卷二十八

辛

人也近居廣陵僧行西與陳中表余因行公往

垂簾問答者竟日數學該博詞鋒銛利三式疑

義莫不迎刃而解繼又自言得長生之術雅慕

冲舉因索余贈詩得絕句八首

足躡雄雷御迅風手摩丁女配壬公晉陽娘子軍行處

鼓角聲聲出地中

一丸飛劍一編書理髮薰衣畫不如寄語香衾夫婿道

不妨金奏養鷄鷓

桃花叱撥不留行錦繖輕妝夜斫營莫訝小梢弓力輒

射生飛箭似飛鷹

楊帝隄邊鬪草歸謝公渚畔踏青回春風十里珠簾捲
何處空空妙手來

名爲俠客猶敷粉喚作仙兄未離家學道從今三洗髓
御風騎氣到天涯

一斗紅珠綴繡旗孫家小妹比雄姿劉郎不免風情在
書到休輕帳下兒

短劍鏗然玉有痕中宵出入五侯門西園無忌千金約
賴有如姬解報恩

掌上孤虛日昃輪笥中篋自通神曹騰小立真如夢
恐是留侯似婦人

國朝畿輔詩傳

卷二十八

三

戴寅

寅字統人又字東溟滄州人寬弟康熙四十七
年舉人官江西定南縣知縣有小戴詩草

滄州志寅弱冠舉賢書隨兄官京師與吳荆山
汪武曹何肥瞻諸先生遊學益進爲文詞千言
立就詩宗晚唐畫仿宋元九工填詞著有黑貂
裘傳奇令定南以事罷歸素行曠放不事家人
生產貧甚年五十五終

背風灘

小洋視大洋

二灘名

高下差一度漸積至背風所差已無

數其狀如垂簾其聲如瀑布盤渦偈處生怪石中流據
小舟不自量揚頰激其怒前進纔二分後退已十步苟

非邀天靈咫尺安得渡船頭踉蹌人卽境傷所遇舉手拈微髭注目看江樹

登崑崙山遇雨

阿母東來時造化亦遷就青鳥銜片石墮地結神秀雙江擬弱流左旋接懸溜雲氣時往還毫釐界昏晝况當連月兩空翠滴岩岫滑使樵徑失陣與八門湊鬼石起怒攫虬枝蟄暗透壓卵愁目前崩土懼尾後所喜兩平頭矯捷類猿狖時引手中藤兼掖腰間綬百計造厥巔一望失其舊滂派混洪荒浩氣連宇宙戲捉電尾行勢與霹靂鬪叱使亂雲開看徧青山瘦公程赴何迫片帆國朝畿輔詩傳卷二十八

三

八斗嶺

齊魯未了青蓮峯勢南走一折薄彭城北門失鎖紐浩氣貫鳳廬彌天起重阜初似擊長蛇踏尾已見首又如泛怪洋驚濤跳颺母前人已躡雲後人方攀柳忽復望前人魚貫落谷口始知身世艱遭遇無非偶升沈不自由上下那關手棄置勿復除緩步古所取

龍眠山

過峽出重關轉與羣山會鳥道引籃輿蜿蜒附精怪不知身近天已據蒼龍背吹雲下重巖揮雨灑塵界生怕

霹靂驚一舉天無外回頭看鳳嶺靈秀互鉤帶千里一
畫圖粉本真可愛莫漫贈公麟乾坤有小戴

自常山肩輿至玉山書所見

纔穿一山腹又轉一山背一山樹槎枒一山雲鬢黷忙
殺米襄陽四顧將誰拜

數里辭平川懸輿渡高嶺後人戴我尻前人壓我頂一
掉勢前空寒潭落孤影

古柏

造物竭全力孤撐鑄此形如松添藥氣似石盜山青兩
露今長潤冰霜已慣經良材兼大壽萬古傲元冥

國朝畿輔詩傳

卷二十八

三

九陽港泛舟晚宿河口鎮

九獅奔大壑一棹過林垌日夕龍門黑陰厓鬼面青橘
州初罷市佛閣尙聞經記取南來路維舟上短亭

九獅
山名

鷹潭道中

荒雞催客夢侵曉踏征塵嶺路餘千折山車祇一輪帽
簷低礙樹潭影倒勾人莫向東山去山靈笑此身

旅夜

孤館殘燈盡雉窗落日斜河聲猶在枕客夢已還家身
世悲蓬轉風霜感鬢華六千歸路遠強半尙天涯

多景樓感懷

無端風雨滿山樓樓外長江忽倒流海氣乍沈瓜步樹
潮聲暗送秣陵秋六朝割據僧粗記一髮中原我欲愁
往事傷心還極目側身天地歎浮漚

春日病中作

料峭春寒上做裘沈郎腰瘦未關愁中年性與時情拗
小病清教妄念收僕馬十年憑聚散文章千古聽沈浮
便當叱犢田間去種豆鋤瓜稱黑頭

答內

知遇恩深不可違還將軟語慰秋閨官如嚼蠟卿言是
勢到騎牆我意非甌裏齋鹽皆帶淚天涯兒女半懷歸
國朝畿輔詩傳卷二十八
年年辛苦眞堪泣悔脫牛衣換錦衣

舟中睡起望小孤山

刮枕涼颼趁綠蒲黑甜未穩榜人呼夢中鸞馭迴天姥
窗外螺鬟看小姑一線裊腰雲外斷千枝翹翠望中無
晉卿當日如遊此不畫烟江疊嶂圖

賈似道別業故址

一曲樓臺畫不成當年秋壑有題名笙歌久廢平章事
月夜還聞蟋蟀聲三窟計多春夢短半閒人散碧湖清
漁燈蟹火休相送丞相餘嘖恐未平

雨陌

山雨亂秋聲散入寒江去寒江不見人彷彿聞人渡

國朝畿輔詩傳

卷二十八

姜

國朝畿輔詩傳卷二十八終

庚子不月人言問人對

國朝畿輔詩傳卷二十九

長洲陶 樑焜薌輯

寶坻高繼珩寄泉校

芮復傳

復傳字宗一號衣亭寶坻人康熙四十八年進

士歷官浙江溫處道有衣亭詩草一卷

寶坻縣志衣亭由中書改錢塘縣知縣政聲翕然召見授溫州府知府過杭上民歡呼

守溫五年督臣以治有成效入奏擢溫處道

紅豆樹館詩話衣亭天才雋朗學有本原官錢塘時屢司分校所得皆知名士嚴海珊遂成其一也畫仿南宗骨格蒼秀句如游法螺寺云松

老身生甲風多響似潮登江樓懷王仲宣云擇木有心纔去魏委身何事更依劉感懷云癡能

玩世元非傲清可傳家豈患貧岳陽樓云朱絃

國朝畿輔詩傳 卷二十九

夜鼓湘靈瑟錦纜晴看楚客舟皆有逸氣

江上訪丁敬身幽居觀富鄭公辛稼軒墨蹟

宋代多名臣炳若日星列卓哉富鄭公報聘樹忠節勇

退如稼軒氣誼何超越遙遙千百年太息遺文沒博雅

愛丁君幽居事搜括出示篋中藏得見二公札大小各

數行殘頁無蝕缺妙墨欲生香鉤銀畫比鐵匪徒供欣

賞高風溯先哲世俗驚奇玩于茲棄且褻推君遠紹心

微言永弗絕啜茗重低徊不禁狂謔發曠懷寄青雲渺

渺江天澗

感懷

同翔浙水徧西東三十年來夢覺中拄笏看山真落落
抽帆到岸太忽忽靈龜以甲難辭灼慧鳥能言枉入籠
縱有才華宜自惜當春試看擎花風

下灘

勢急奔騰馬注坡小船一丈快如梭順流莫道真堪樂
樂事還從險處過

朱陵洞

朱陵洞口下飛流百尺珠簾挂未收仙女宴歸深夜捲
碧蘿爲帶月爲鉤

聞雁

國朝畿輔詩傳

卷二十九

二

平沙淺渚耐寒霜叫破燕雲憶斷行莫怪蘆汀眠不穩
衡湘雖好是他鄉

周人龍

人龍字雲上號躍滄天津人康熙四十八年進

士官江西督糧道有居易堂詩藁

周人龍字雲上號躍滄兄傳兄選授山西屯留知縣調知
沁源歷牧忻州守蒲郡丁艱服闋補授湖北安陸
陸府知府推陞江西督糧道享年六十有四兄
初就外傳聰穎絕倫其莅官也治績冠一時康
熙辛丑抵屯留不雨有三嶼山去城百里相傳
其神司雷雨徒步往禱或勸乘騎行兄曰吾爲
民不言苦也晉省耗羨重於他省捉短封一事
尤爲閭里害兄測然曰分釐之短非缺正供短
封豈可捉乎其勿行邑人弁鄙無文兄告以讀
書立品之道由是士知向學壬寅秋邑東鄙十

三村被雷捐賑千金民無流亡明年調知沁源
 沁邑水患最鉅一為汾河又洞渦河在汾河東
 而東與汾河合為民害者數百年兄悉心籌畫
 挑渠築堰邑人賴之牧圻時會西鄙未靖軍需
 旁午承辦驟隻駝屨養軍需馬千匹皆報最蒲
 郡瀕河公請於上憲曰臨山陝民隔河爭地互控
 不休公請於西憲曰陝西地少即將陝西無地之糧歸於
 黃河東遷山西地少即將陝西無地之糧歸於
 陝西黃河西遷陝西地少即將陝西無地之糧歸於
 歸於山西如無累於民生現在山陝沿河二千餘
 地納糧又無累於民生現在山陝沿河二千餘
 里兩省各有湮沒之地飭令沿河州縣照糧查
 地按地過糧除鹵減之地照例題請免糧外其
 餘退水之地招令沿河居民認糧承種黃河之
 息長以漸十年一次稽戶庶偏枯去而爭訟可
 行三十餘處民大稱便而紳矜富民多不悅因
 有奏言便於無力之丁不便於田土瘠薄之戶山右丁
 田土肥沃之家不便於田土瘠薄之戶山右丁

糧多於他省攤於田畝未免有輸納艱難者
 力之丁家無寸土終歲勤苦餬口維艱輸納丁
 糧實同剗肉補瘡補之不能至拖欠之愈
 多必至流亡而丁倒累戶不特下累民生久且
 在一人而受累者在眾姓不特下累民生久且
 上虧國帑有田之民雖肥瘠不同然地肥然
 後糧多糧多然後丁銀之歸入者少是不便於有田
 少糧少則丁銀之歸入者少是不便於有田
 之民者甚微而便於無力之丁者甚大若以為
 不便於有田之民而不便於無力之丁者甚大若以為
 行彼瘠土亦無知之赤子將何以堪乎若云山
 西丁糧過多攤於地畝輸納艱難夫以有力之
 家輸納尚且艱難彼無力之窮黎輸納豈不艱
 難乎今為有地之家計萬全而不為無力之丁
 求生路殊非周急之道亦失調劑之宜議出三
 遂定督糧江右創立規條夙弊一清南撫建三
 府為糧道兼巡地按巡各屬歲一清南撫建三
 多所平反襄帷行部守令憚丰采焉乙丑病作

告歸
而終

舟中寄衣亭五弟

宦海分飛各一方
西江離緒更茫茫
南看桂嶺雲千疊
北望燕臺樹幾行
獨雁天涯春信杳
孤舟江上晚風涼
年來漂泊同鷗鷺
翹首鴟鵂萬里翔

蔣仁錫

仁錫字靜山號青棠大興人康熙四十八年進

士

唐諫議劉蕡

雙手思扶皇運傾
春秋三傳論縱橫
生前不售鋤姦志

國朝畿輔詩傳

卷二十九

四

地下何慙諫議名
惡稔北司威正煽
冤銜南國恨難平
玉溪爲寫招魂句
溢浦書來愴客情

張坦

坦字安士榕端孫徽州人康熙四十八年進士

官雲南普洱府知府

磁人詩安士壬辰

殿試補內閣中書充

武

英殿纂修謁選授雲南浪穹令遷大關司馬升

普洱府

太守

燕臺雨霽憶滄陽
神鷹諸山

返照在高樓
寥寥遠天碧
殘雨化長虹
斜光射疎隙
積水漾中衢
儼如兩岸坂
人影向夕稠
攘攘去不歇
嗟我

獨何爲而亦苦勞役緬想神麈麓石罅飛泉脉當此六月天冷然空翠積華屋非可欣臨流數畝宅不必絕人羣已與塵世隔敲碁石當枰飛觴花作席蕭散卻簪裾開襟御絺綌夕陽千萬峯亂雲沒鳥跡薇蕨有餘甘身心多異適富貴豈能期素襟不可易古人秉燭遊良爲寸陰惜

滴翠巖

陰崖闢奇竅若有鬼物據兩壁門竿確擬將決勝負岸垂勢若崩岩出形欲怒藤蘿蔽日深森然殊可怖上有百尺泉隨風挂高樹激石儼清商璆然戛韶韻雜以萬國朝畿輔詩傳

卷二十九

五

松濤遂使五音具滴翠安足擬稍洗從前誤詩成贈山靈疎狂或余恕

雨花菴

雨花菴後綠天勻樓館池臺尚有春瘦筍分根穿殿壁凌霄借勢上松身繞欄蛛網全欺蝶翻砌花枝欲礙人聞說園林曾貴主繁華銷歇總傷神

歸山城感賦

繞郭青山十里斜避人野鳥起湖沙洱源出峽平開鏡
梨葉含霜欲妬花每到歸來勞父老却從秋後問桑麻
荒城斗大無留訟琴鶴蕭然許放衙

古渡

白日明漳河停車問古渡蘭若寂無人秋風下高樹

新柳詞

陌頭搖曳楚宮腰一種東風萬萬條占斷春前無限恨
夕陽影裏赤闌橋

村行

雨過無塵嬾上車孤村幾簇野人家行行不斷香風送
十里輕陰放棗花

王僧慧

僧慧字晉卿開州人康熙四十八年進士官山

國朝畿輔詩傳

卷二十九

六

東蒲臺縣知縣有槐園集

杏花

深院春輝麗杏花開幾叢豔分仙掌露香惹玉堂風似
綺當窗亂如霞覆砌紅託根方得所不肯逐飛蓬

查爲仁

爲仁字心穀號蓮坡宛平人康熙五十年舉人

有蔗塘未定稿六卷外集八卷

鄭方坤名家詩鈔小傳爲仁十九舉鄉試第一
是爲康熙之辛卯科主試者武進司農趙恭毅
公也公故以草銅商事與執金吾陶和氣相水
火欲甘心焉謂榜首固富人子且少年名不出
里間是奇貨可居遂鉤致以興大獄鍛鍊旣成
而心穀當死罪長繫請室越八年始邀矜釋心

穀固才士既顛蹶無生理乃就白雲司葺板屋
數間日讀書其中榜曰花影菴張得天尙書屋
稱爲唐子畏後身而歎其有才無命旣出獄結
園沽水之西津門爲水陸交衝去京師十舍而
近冠蓋相錯寶至如歸我轄贈鞭徵詩對酒高
宗山孝廉有東山麗句諧絲竹北海名賢共酒
樽及甲部難經丁部史紅兒記拍雪兒歌之贈
三復微哦猶令人想見名士風流太平盛事
查慎行序猶子心穀從患難中發憤讀書所爲
詩多與古人相頡頏頗而出之宛轉蘊之遙深庶
幾香草美人
共成千古

陳鵬年序蓮坡承其家學當險阻萬難時輒以

詩寫其鬱勃見之者咸以爲戀蓮坡獨能處客
而平之含毫渺慮雖凜凜懷霜神明自勝

其詩藹然廓然非涵養至深曷克致此

符會序查君心穀奉白華之養結園沽水之西

臨流植椽閉門疊石賦夕烟於琴幌吟曉日於

書牀氣和而色淡志逸而神怡得意魚鳥之間

忘情塵壒之外要其澄懷專注雅思獨存良足

國朝畿輔詩傳 卷二十九

七

自見其胸臆也

萬光泰序蓮坡少具不羈才掉鞅省門一蹶不

振遂絕意華黜類首書寫作爲詩歌以自娛其

發爲言也和愉而不流疏亮而不迫俯仰自適

而無牢愁沈抑之思所謂窮達一致而深于道

者非耶

袁枚隨園詩話昇平日久海內殷富士大夫慕

古人顧阿瑛徐良夫之風蓄積書史廣開壇坫

揚州有馬氏秋玉之玲瓏山館天津有查氏心

穀之水西莊杭州有趙氏功干之小山堂吳氏

尺鳧之瓶花齋名流宴詠殆無虛日許珮璜刺

史瞻查西庇人孫北海置驛鄭南陽其豪可羨

王昶蒲褐山房詩話蓮坡驛鄭南陽其豪可羨

得罪數年而後得釋因發憤讀書博通典故所

居天津水西莊貯書萬卷南北往來名士如萬

柘坡厲樊榭趙飲谷等無不攬環結佩延主其

家相與覃研詩詞書畫其所娶金夫人含英亦

軌風雅人望如仙其集中句如地偏人跡斷潮

定水痕深落花寒食節飛絮午晴天晚徑黃花
開有色曉程殘月落無聲一榻茶烟留客話半
簾花影枕書眠皆中晚唐妙句也今下世四十
餘年而莊亦改爲公廡矣先生弟儉堂與子交
善而子遂槎給事爲予同

年故得其風流好事如此
紅豆樹館詩話海寧查氏代以詩名後占籍宛
平宗風猶能不墜蓮坡居士其尤著也隨園詩
話載其句云風愁撼樹響鼠厭籟錢聲爲問亭
邊三五樹春來花發幾多枝然佳句尚不止此
五言如坐深涼意滿吟苦樹陰移夢回春樹外
花落午晴初斷崖松影合僻巷犬聲隨七言如
客子吟鞭隨雁後故人歸信在梅先青鸞已杳
難傳信芳草多情易惹愁功名可笑同槐園日
月唯應入醉鄉晚飯香芹烹鴨脚小池新水長
魚苗客來共試中山酒秋到會無一拓茶寮倚
橋通芳草外夕陽樓倚老松顛小拓茶寮倚
石別開棋閣畧栽花時序驚心寒食近風光轉
眼少年非春淺蘆芽方坼籜日晴水髮自拖藍
鶯老花殘春寂寂酒消香冷夜厭厭小艇孤燈

國朝畿輔詩傳

卷二十九

八

人獨臥秋風黃葉雁初來開尊北海猶初志射
虎南山感昔年此心佳世仍忘世過眼新人非
舊人春色淺深簾幙外梅花消息詩於初白菴主
耕微婉耐人尋繹葢蓮坡嘗學詩於初白菴主
又與厲太鴻枕堇浦萬栢坡汪西澗諸君子遊
故一洗粗獷膚廓之習歸諸雅正讀者可識其
得力之所在矣

寄懷

憶與君別離乃在河之湄東風吹弱柳飄揚不自持香
車屢回顧春帆任所之信宿到揚州家家烟火樓平康
善歌舞公子多淹留我感夙昔恩苦吟達天曙不作隨
流花但學沾泥絮采苓首陽顛人言苟無然至今猶抱
柱辛苦悲流年願君光明心鑒取金石堅

東甘澗

澗水搜石根土盡石傾倒積久成懸厓凌空勢夭矯雲
凝洞口寒日射行人小推門不見僧石共松俱老沙彌
知客來相餉粟與棗深山無俗機淳樸古風好靜極理
自通會心殊不少笑語同遊人此間堪結草

上方寺觀黛巖峯

招提千山中流泉對門瀉傍立黛巖峯卓立四無藉未
許土花斑渾如洗濯罷何年劈鬼斧寒雲出其罅澗痕
萬古留松形老將化傳聞虎夜來躑躅此峯下禪師能
伏之時以飯相迂聽罷駭常聞塵霧灑然卸

國朝畿輔詩傳

卷二十九

九

訪昭然和尚草菴不得

人事有代謝彈指成古今去者日以遠來者苦相親緬
彼草菴叟鑿翠居高岑晚景憩嘉樹朝暉晃鳴禽語默
皆入妙山水曠其心今來三十載斷絕瑤華音徘徊巖
壑裏仙源不可尋落日隔暝水負此春晝深孤雲飛曠
野雙鶴唳岩陰相思空延佇何以豁幽襟仰天成一嘯
流水鳴前林

賞雨茆屋圖爲吳驥調題

朱樓翠箔春夢破雨聲到枕憂無那亦有清歌水閣頭
蕭蕭入夜迴含愁何如達士十椽屋不種繁花種梧竹

就中喧寂兩俱忘爽氣盈襟抱卷讀

重來

衡門兩板先生住重來不得重歡聚沿堦春草太無情
夕陽滿地青如故記得年時同覓句樹頭催送瀟瀟雨
淒絕黃公舊酒壚招魂難問青楓路

西灝以新輯西湖志見貽述懷奉答

西湖周遭三十里激灩波光清見底三面山環東倚城
就中佳處難爲指昔年會上總宜船選勝尋幽事事便
寒香破萼探孤嶼素魄澄輝憩冷泉流光過眼如炊黍
卅載清遊一仰俯時時飛夢繞孱顏月計依稀十有五

國朝畿輔詩傳

卷二十九

十

前年有客湖上來告我風光口爲吟葑雲盡捲芟田拓
倒浸羣峯冰鏡開去年又得錢塘信傳說六橋花作陣
弱柳縈烟翠帶長天桃漬雨脂匱潤弱柳夭桃無處無
蘇公堤畔錦模餠樓臺小李丹青筆花鳥徐熙落墨圖
我時聞之陞神王便擬乘流到江漲塵網千絲吹不開
坐愁行憶空惘悵故人特爲起膏肓有什襄圖經遠遺將
解緜急展麝牀足細讀頻消蠟炬光饑似分嘗玉文棗
癢如倩得麻姑爪巾子峯頭挈榼登客兒亭下支筇眺
臥遊三日又長歎畫餅何曾得佐餐終須卜築西湖去

暮暮朝朝把釣竿

春夜曲

當階羯鼓催春風，玳環回轉聲丁東。
龍脂燄熱吐十丈，高臺照耀胭脂紅。
芙蓉肌弱霓裳薄，衣怯春寒護羅幕。
一串珠喉宛轉歌，地衣蹴縹梁塵落。
整鬢收鬟作態遲，迴身旋舞小腰肢。
滿堂絲竹人聲寂，十二闌干月墮時。
生年滿百何曾有，昨日少年今老醜。
勸君莫惜秉燭遊，更進葡萄一杯酒。

和方屏石水部秋日雜咏韻

髮已隨時短，愁應共夜長。
酒無千日醉，事有百年忙。
忙未了，償詩債，無端負劍光。
草廬猶夙昔，人自別南陽。

國朝畿輔詩傳

卷二十九

十一

送履方之太平別駕任

憐予成瓠落，喜爾獨崢嶸。
勿謂閒曹冷，須酬一命榮。
官勤撫字爲政重，廉平好慰高堂望。
因風數寄聲。

過村舍從野人飯

望裏秋原爽，門前碌碌場。
深林殘照入，曲徑晚花香。
村酒沾清醪，園蔬摘矮黃。
留連如意舞，歸路月迷茫。

青溝懷拙菴和尚

聞說青溝好，相將渡碧溪。
到門山色淨，繞屋水聲齊。
巖隙穿松鼠，林端叫石雞。
老僧何處去，只有白雲棲。

同友人集空谷園

郊居塵壒少幽訪共沿回柳下孤篷泊花間白板開高
人還醉臥稚子識曾來小立窺鷗鷺忘機客不猜

上元前三日次離相主人韻

空庭小立聽春禽觸忤閒情憶舊林竹奮絲豪前度事
香殘酒冷此宵心愁看盈闕難邀月怕說虧成不鼓琴
孤負傳柑好時節青門花雨夜來深

水西閒居

積潤苔痕綠滿庭此間又度一清明擬將舊咏閒中改
無那新愁望裏生楊柳著烟眠未起海棠怯雨夢初驚
扁舟若許歸湖海欲問沙鷗共結盟

國朝畿輔詩傳

卷二十九

三

入山

行來石路漸高低馬避危橋渡淺溪樹裏人家時隱見
洲邊芳草半萋迷身因出世方知散詩爲尋山著意題
從此不須愁道阻穿雲入樹好攀躋

秋夜病中述懷

巷尾迢迢報柝聲虛堂如水斷人行雲移一朵月吞吐
竹嘯幾枝風送迎不向枚生求七發試從麴壘覓三清
調糜煮藥經旬臥白髮蕭疎又幾莖

漫興

惻惻餘寒漠漠烟日長風細自年年人來上國看花地

雨近清明潑火天一握柳絲繁黯淡數聲燕語劇纏綿
邇來旅恨無些子參得如來歡喜禪

送調元由中州至江南

西風捲樹葉颼颼送爾登程事遠遊客裏爲家還作客
秋來覓句恐驚秋行看驛路黃花綻好訪淇園綠竹修
若過樊樓燈火夜莫因歌舞久淹留

答王兩楓見懷原韻

記送驪駒花滿津柳橋歸去又經春離情每逐陔陽雁
芳訊俄傳上水鱗廿載冰霜借計吏幾時邱壑結比鄰
尋思花影庵中事燈火蒲團一愴神

國朝畿輔詩傳卷二十九

三

懷榆堡

大好家居榆堡莊年來生計託農桑一池屋後藕花白
幾稜門前菰米香斜日提壺評酒價秋風戴笠上漁航
如何百里成修阻也似蓴鱸歸夢長

李仁山將之汴城率寄一絕

聞道仁山賦遠行秋河望斷水盈盈此身安得如明月
一夜隨君到汴城

東竺庵枕上聞雪

花影頭陀帶髮僧連朝杖履爲山停偶來東竺庵中宿
雪打寒窗一夜聽

重過上谷感舊

天邊歲月留難住，人世滄桑感更多。
幾度沉吟思往事，風華情思總消磨。

丁家窪

青青不斷柳遮門，門外流泉百道奔。
行過石橋疑路盡，酒帘斜出又逢邨。

春雨

風風雨雨到黃昏，檻外丁香合斷魂。
遙憶西園橋下水，夜來應更長新痕。

雨後藕香榭看荷

國朝畿輔詩傳

卷二十九

十四

半晌輕雷過野塘，依然樹杪染斜陽。
粉紅半褪當風立，似試華清第一湯。

冬盡日

人人競說春光好，我戀嚴冬日日晴。
怕到東風二三月，落花飛絮愴人情。

小園道中

村園門巷半沾泥，蠟屐來遊日未低。
一陣棗花香裂鼻，和風吹過板橋西。

張塏

塏字朗士，號霽巖，磁州人。榕端孫。康熙五十年

舉人官刑部員外有求我堂詩一卷

萬經張君墓誌君性篤孝母劉太宜人病君視湯藥不交睫者累月居喪毀瘠侍閣學公校士江左與東南勝流往復辨證上下其議論學益日進中鄉試以恩例授刑部陝西司員外君天性豈弟至是益以矜恤為已任遇命盜重案覆閱再三大司徒廉君仁恕屬以青海獻俘諸大獄獄上稱平任重因為隸卒所虐多瘐死君稔知其弊日必詣獄省視隸君任囚無失所者周師德序霽巖先生覃研經史其詩冲夷恬淡神似香山時復兼歸田劍南諸集勝處徐佩蘭序先生學問高出世俗詩發於性情閒靜蒼秀神與古合

攜兒輩西園看芍藥

園林花盡欲芍藥殿春紅不厭晴霞襯寧憂晚日烘開樽無客賞繞徑有兒同盡醉方歸去徐行趁柳風

國朝畿輔詩傳

卷二十九

五

東園卽事

春事將殘蝶亂飛東園閒步踏芳菲藥欄含豔香徐吐梅子垂青顆漸肥隔院聽鶯林氣靜支窗看水市塵稀一年好景春居半恨我嗟此百事違

程可式

可式字松村香河人康熙五十年舉人官河南河內縣知縣有來山堂詩鈔八卷

沈青崖序松村先生蚤入藝林甫冠登賢書連不得志於有司與余同纂古今圖書集成十年散館後余改官西清越二年先生亦特擢舍人奉使西蜀事竣授河南縣令所泚有聲未幾歸田丁卯冬晤於梁園乃增嵩雲涉江東野三集其志趣所向情隨境遷性與理洽施之於館

閩攻教開道
甕靡所不宜

龍泉山曉行

天半聳奇峯攀援入宵眇行行破層雲霽色欲開曉夜
露滑苔蘚徑危人跡少俯覽一憑高始覺衆山小竹木
競紛披雜花亦繚繞絕頂有靈泉涓流聲瀉瀉愈下愈
奔騰萬壑勢傾倒巖幽聞龍吟澄碧秋潭老盤陀自崔
嵬劍闕何天矯千里亘連縣此中資探討

白瀘發江安途次口占

瀘水分行日江安入路時獼猴春聚嶺杜宇夜啼枝到
處山爲徑終朝雨作絲天南萬里外縹緲白雲思

國朝畿輔詩傳

卷二十九

六

秋日宿沙門

驅車向古道落葉滿橫塘爲念風塵吏潛增鬢鬢霜我
心原澹泊人意覺炎涼茅屋挑燈處深秋夜正長

瀘州開福寺樓

全瀘勝槩借憑欄一榻高橋萬象寬山勢盡從雲外出
江流祇向座中看塔鈴搖蕩風嵐暗叢竹蕭條夜雨寒
西眺武侯祠儼在至今生氣有龍蟠

城西寶山上
有武侯祠

蘭陽懷古

蘭陽自是古東昏萬壑奔騰赴海門漢相已無留鳥在
秦皇空有舊臺存荒烟野樹迷韓冢零雨淒風暗馬村

爲億興衰千載事白雲山下一銷魂

放衙後寄興

覃懷官署倚城東屏列青山四面同
小院春融鳴翡翠層樓晝靜隱簾櫳
幾行修竹蕭蕭雨數點寒梅習習風
放罷衙參無一事敲詩時向月明中

沈殿輝還陳州

纔唱驪歌意已馳桐山如黛柳如絲
安排後夜高人榻好誦蓮嬾聽雨詩

王履吉

履吉字慶旋吳橋人作肅子康熙五十年舉人

國朝畿輔詩傳

卷二十九

七

官內閣中書有修修齋詩草

旅中九日

長途逢九日車馬滯天涯人寂孤燈小
秋空片月斜殘尊茅店酒叢菊故園花
漫道風霜苦高吟興自賒

憶滑臺復初齋梅花

東郡梅花早檐前計已開不知疎影畔
杖屨有誰來

申程章

程章字實夫號西村磁州人康熙五十年舉人

官江蘇淮安府知府

磁人詩公十九入州庠康熙辛卯舉人考授內閣中書改光州學正雍正丁未河南學政王公

薦於朝召對
春心殿稱旨加知州
銜授海寧縣未半載特擢淮安太守宰寧邑時
王大成為安化王裔徐雲卿為邑巨室僕大成
訴雲卿營室掘發王墓後察墓非雲卿營室所
為直其事及守淮安清河李某田中麥為生員
張亢馬踐食鄉里令張出麥償張不與李誣張
朴死其女邑令繫張於獄公為
平反而出之其虛懷詳訊類此

奉和友人九口登高原韻

荒巒秋老暮雲平與客來遊倒玉觥霜葉有聲人上下
寒沙無際水分明纔憐蔓草遮殘碣又見昏鴉散古城
最是千秋留賞地得拋愁處卻愁生

鄭灝

灝字希淳南宮人維孜子康熙五十年舉人

國朝畿輔詩傳卷二十九

大

南宮縣志影十六入庠康熙壬午中副車
幸卯領鄉薦嘉獎後進從游者踵相接焉

卽事呈家大人

厚祿非吾事天倫樂自真同堂圍四世繞膝各三人拄
杖看嬉戲拈鬚釋怒嗔隨時調藥餌珍重百年身

鄭宏慶

宏慶號裕菴南宮人預子康熙五十年舉人官

河間縣教諭

南宮縣志宏慶少隨其祖惟攷於京邸為孫子
未先生所器重子未山左鉅公於人不輕許可
獨與宏慶為忘年交弱冠領鄉薦三任教諭嚴
考課教士習所至有聲年六十九致仕好讀書
暮年猶手不釋卷輿至輒託諸詩以見志註少
陵詩凡三易稟禾輯本邑事蹟分類編集續前

明邢子愿邑志簡嚴有法

司鐸宣化寄居僧舍作

千里爲儒道亦尊打頭學舍盡頽垣偏開方丈容函丈
半借山門作聖門縱有文情分幻境奈無講榻辯真源
終朝宦况同僧味戒受宣尼共討論

高澤泓

澤泓字靜涵靜海人康熙五十一年進士官主

事

立秋

年華驚過半碌碌復空忙野菊臨窗綠殘荷墜露香無

國朝畿輔詩傳

卷二十九

五

才甘守拙學忍是微長且盡今宵酒羅衣透體涼

舒大成

大成字子展宛平人康熙五十一年進士官翰

林院檢討有試墨齋詩集

藤陰雜記舒太史子展摩詞菴看杏花詩一時傳誦程魚門晉芳王申到菴惟見棗樹已無杏花作詩云玉堂舊客題詩處野剝離離放小紅三十年來人事改棗花香細月朦朧別裁集作者五言應得力於唐賢三昧風味近劉春虛不能用多能用少也

自城子山還宿白家灘贈主人

到山日亭午雞鳴桃花村啣啣原隰廣藹藹桑麻繁展眺興方永卽事情彌敦盤餐古時俗作息平生言際夜

轉清閨明月來南軒撫時寧不惜勞生焉可論當須遂
夙願與君采芳蓀

山行

杳杳雲外鐘原陸颯已晦寧知沙際月復與前峯對墟
落有歸人烟蘿聞犬吠

東靈臯先生

伐木廢千載勞者方感歌叩須良有繫觀善匪在他大
道無隱晦斯文流江河先民重邁征所戒惟蹉跎春風
迴歲律芳色滋庭柯喟然慚所欽去日何其多

當時

國朝畿輔詩傳

卷二十九

三

玉筍嚴催金叵羅當時歡會總如何燕辭華館無回信
葉落橫塘有去波曉日軒窗閒夢少晚涼庭院別懷多
露桃花下三年客腸斷秋來一曲歌

重過摩訶巷看杏花

花發誰能認舊枝曲欄深處獨凝思二年蹤蹟同游少
三月風光再到遲莫遣壺觴虛後會已輸蜂蝶識前期
嫣然一樹留人久又是黃昏欲去時

王鈞

鈞字爾陶高陽人康熙五十一年進士官浙江

青田縣知縣有松露堂稟四卷

王頊齡序爾陶以壬辰進士奉
月令輯要有年令安福三載簿書執掌不廢嘯
歌誠仕學兼優者雖茲所寄皆其未膺民社時
言志之作而寒素家風儒林雅望固已鼎嘗一

鸞豹窺
一斑矣

紅豆樹館詩話松露堂詩近體勝於古體五言
如魚簪懸野岸春艇繫孤村入夜眾禽靜先秋
一葉知車輪和鳥渡馬首破雲來七言如風信
遇林攜暮雨濤聲浸枕入孤舟世味過濃難耐
久交情能淡始成真酒醒子夜人千里秋入蟲
聲雨一簾又哭艾兒云眼枯易竭分離綠盡
難灰父母心罷官北上云得比陽城書下考幸
谷彭澤作歸人置之晚唐人中當與黃滔杜荀
鶴相伯仲

別內子

相看明日別兩地總傷神辛苦貧家婦艱難客裏身懷

國朝畿輔詩傳

卷二十九

中三歲子堂上五旬親調護全憑汝無勞念遠人

蛩聲

秋涼蟲語亂唧唧出墻陰明月啼何急寒霜怨自深離

人千里夢織婦五更心獨坐空堂夜愁聞繞砌吟

砧聲

何事驚殘夢寒砧處處悲孤村霜落後深院月明時響

細疑無力聲停若有思可憐淒楚調不遣玉關知

哭桂霜二子

策馬風塵路歸來客思牽衣裳餘故物啼笑憶當年泉

下悲長夜人生歎逝川舉家燈影裏相對各淒然

繞膝萱闈下含飴樂未央鍾情惟二子灑淚近千行寂
寞秋燈暗淒清夜雨長五旬堂上毋爲汝髮蒼蒼
幻景因思到朦朧聚首時願將今世夢卽作再生期離
恨三更滿啼痕一枕知斷腸言不盡聊續杏殤詩

古北口早發

北口重門啟征人路正長亂山當馬首一徑入羊腸曉
月臨關迴秋風出塞涼停車尋酒舍穿樹有燈光

都門夜雨感賦

金盡誰相問飄零笑此身何堪秋夜雨仍是異鄉人謝
客休文病謀生仲子貧白雲親舍遠遙望一沾巾

國朝畿輔詩傳 卷二十九

五

三間房

萬仞纔過嶺三間又見村林巒藏板屋雞犬散柴門山
勢迎人立溪聲戰石喧僕夫嗟况瘁日暮且停轍

冬夜與李繼可言懷

鐘沈風靜月光微翦燭臨窗夜掩扉十載藏錐餘賴在
中宵看劍壯心遠逢場莫問浮生幻閱世方知吾道非
燕趙悲歌饒氣概平居豈肯志輕肥

宣平道中口占

曳嶺峯高到十分枯藤礙足亂紛紛翠微折取筇杖
劃破林梢一路雲

勞筋暫息坐岩旁
小試吟哦興正長
何處寒梅開不盡
東風吹出隔溪香

春柳

含烟搖曳水西頭
青眼纔開慣惹愁
別恨絲絲消不得
斷腸人倚夕陽樓

國朝畿輔詩傳

卷二十九

三

應題人倚夕陽樓

含烟搖曳水西頭

春柳

東風吹出隔溪香

國朝畿輔詩傳卷二十九終

與五具吟風寒秋閣下

國朝畿輔詩傳卷三十

長洲陶

樑鳧薊輯

任邱邊浴禮袖石校

陳德榮

德榮字廷彥號密山安州人康熙五十一年進

士官安徽布政使有葵園詩集四卷

測海集廷彥為諸生與博野尹元孚切劘正學有經世之志既成進士授湖北枝江縣修百里洲隄除解餉入川雜派遷黔西州以憂去服除

引

見

命赴貴陽權威宰知府諭

年威寧改州升大定為府以廷彥補之官烏蒙土司叛東川鎮雄附之威寧當其衝上會檄廷彥往督有司完守備城西陲預聚民間米桶實土石累丈餘加雉堞焉不日而功成賊去城三十里縱火牛光燭天廷彥督士卒晝夜臨城賊不敢逼會哈元生兵至賊敗遁以江西巡撫薦

國朝畿輔詩傳

卷三十

一

攝饒九道督潯陽大孤兩關宿弊盡革復以經畧張公薦授貴州按察使乾隆初苗疆新定方駐師興屯將吏多鋒銳言兵者未已此當設誠貴陽苗亦人耳可盡殺乎經畧大感動申戒諸將吏如廷彥言攝布政使以黔地瘠薄築壩堰引山泉溉田導以含洩之法不數年貴筑壩堰開州威寧餘慶施秉間報墾田三萬六千畝督民種桑募蠶師教之蠶開野蠶山場百餘所比戶機杼聲相聞修學舍繕城垣恤流民給孤老益囚食進諸生開以為己之學自立卒於官改安徽布政使建陽明書院以造士卒始尋周長發序密山方伯言論醇謹詩雄深雅健胚胎少陵歷官楚黔猶以字民未登衽席用為殷憂形諸歌詠他如懷人弔古賦

物攄情皆得風人比興之義

隨園詩話密山先生人淳樸而詩極風趣每瞻

園花開必招余遊賞不以屬吏待適階下蟻門

公用扇拂之作詩云退食展良觀逍遙步深院

謝根見羣蟻紛紛方交戰呼僮前布席坤以蒲

葵扇頃刻綠草根求穴各奔竄伊有記事臣載
筆應上殿大書某日月兩軍正相見忽然風揚
沙師潰互踏踐收隊各依壘蓄銳更伺便人生
亦俛蟲擾擾盈赤照嗜欲各有求情僞遞相煽
吞噬蠢然動吉凶見常變

豈無飛仙人乘鸞注遐盼

紅豆樹館詩話密山留意經濟自令守歷升方
伯所至問民疾苦平反鉤稽有廉明聲不止為
文章以自見詩集身後刊行五言勝于七言山
川險塞之作鑿削雄奇與杜陵入蜀諸詩為近
而清明郊行一絕又秀色可餐有悠然絃外之
音蓋其才能斂能縱故不假繩削胥合矩矱洵
無媿作手也

分水嶺

蓐食起行役逶迤上層岡層岡何崔巍上有官兵塘時

清罷險阻壯士勞分防直下十里溝靡靡陂草黃枯蘆

國朝畿輔詩傳

卷三十

二

挺寒英卓立如旗槍懸枝亞紅豆凍雀孤棲僵天風吹
雪來淅淅沾衣裳羣鴉忽驚飛雙松蔭石梁天寒澗流
涸蘚壁留青蒼泥深石路滑從者無餽糧相顧有寒色
枵腹行踉蹌余力亦困憊回首心徬徨胡為五斗米隆
冬歷巖疆王事不辭難臣職何敢忘

紅花埠宿羅野人家

荒山無旅店日暮空躊躇嗒然一老翁長揖當肩輿牛
羊散不收田陸路縈紆柴門向水掩一榻松間廬延余
至其家山肴薦圍蔬苦言今歲旱塘乾堰無魚大兒朝
入城歲晚輸官租小兒喜客至牙牙牽翁裾卽此羨閒

逸勞役愧不如樹靜風息後鴉鳴月生初獨寐紫澗中
曉夢猶蘧蘧

清江

清江天上來縹緲歷雲漢雲根養深淵毛髮明可鑿發
源施州衛千里橫匹練或爲石所激吼雷勢奔電澗底
織鱗遊表裏皆洞見當其清淺時手掬足可踐漚作無
底潭空明光一片方春雷雨動夭矯蛟龍現宜都入川
江無復此顏面渾灑成其大豈云不善變願助東海深
舊山何必戀

卸甲溝

國朝畿輔詩傳

卷三十

三

山形如醉翁佝僂欲顛仆雲林意蒙密水石氣局蹙巖
霜飛不到青翠豁人目碩果綴餘甘小紅亞天竹澗底
數枝梅橫斜過石屋凍藥參差開含春媚幽獨到此坐
忘疲欲往意還復乃知草木心舒榮在巖谷我欲結茅
菴餐霞友麋鹿

飛魚灘

山靈厭寂寞推石堆山坳河伯怒驅之奮作風雷號水
頭落雲中勢與帆檣高舵工挾長技一葉隨驚濤撇捩
轉石罅生死爭秋毫瞬息數百里東逝不可招我舟逆
流上飛泉灑林杪僕夫引竹纜舟子刺松篙進尺還退

寸目瞪心搖搖勢平流忽散巨艦輕如毛瞋色赴林壑
停泊傍漁舫吹火煮夜粥共慰推挽勞重脣白甲魚出
網鮮可庖掩篷讀我書斟酌樽中醪前灘名虎嘯西上
更岌崑且復永今夕何暇問明朝

巴山峽

兩山誰劈開夾立成隘巷斜紋畫頽城相雄不相讓潭
水似井泉淵深靜無浪倒垂松杉影頽洞黑光漾我舟
鼓柁來容與中流放哀猿駭人聲飛逐烟蘿上雲裏一
聲啼愁人悄相向仰睇一線天重重壘高嶂日月缺照
臨山川氣悽愴遙想温太真然犀氣何壯隱隱見水怪
國朝畿輔詩傳 卷三十 四

天門巖

峭壁如掌立細露掌上紋魚貫行其中惻惻驚我魂足
怯青蘚皮手拊枯藤根人前不見路一線走循循巖轉
天門開青空氣氤氳雙石兀碑起勢如虎豹蹲奇樹同
奇鬼森立欲搏人填然叩石鼓直恐驚帝闈樹梢挂寒
日伸臂似可捫俯視見萬壑遙天多白雲登高臨深戒
念我父母身委質膺一命此義難並陳叱馭九折阪勞
人蓋有因

鎮遠橋北諸洞

布金無尺地飛閣嵌石竇鳥外緣秋臺憑雲費結構危
磴一線垂丹青翥龍鷲梵放落間閭僧歸似猿狖堆砌
錦屏山蠻夷洗荒陋中元小洞天三門何別透碑書紫
陽院斑剝被古繡摳衣登山腰藤蘿翳懷袖中有兩書
生高文課清晝自拋詩書緣踰蹻駑馬後開緘展夙晤
絕境此邂逅裊裊青龍菴金碧俯高岫獨樹偃垂圍
如華蓋覆憑欄豁遐睇山水縈左右滇黔扼門戶商旅
紛輻輳嘔啞響中流漁歌舫自扣春風到天涯桃李花
開又棘人感蓼莪沈憂肌骨瘦跼跼蹉跎歲月遣罪戾彌宇
宙信宿買孤舟好趁前溪溜

國朝畿輔詩傳

卷三十

五

飛雲洞

古巖如雲覆山根敞幽邃石形各異狀一一頰仰睇玲
瓏冰筴滴比櫛蜂房次滑突人乳垂拳曲佛手繫大者
疑雲龍頭爪露靈異又如洪濤翻盤渦互騰沸沈沈太
古色青蒼鬱虧蔽遙想融結初真宰勞位置中間供維
摩十笏香花地下有不測洞蒙幕鬼窟闕蘊蓄雲水根
吐納山川氣倉皇昔經過鞅掌役王事今茲撫石闌揮
灑勞人淚亭午天微晴杏花辭故蒂方池一泓水清澈
識我意老柏勢更奇撐拄青霄際千年霜雪皮秀翠含
古媚日月促勞筋倦足此暫憩意與雲俱遲蠻荒展佳

麗摩浮亭卜碑遊人富清製媿無曹劉才難勒石上字
好帶片雲歸閒擬柳州記

讀張山人詩卷

熱客競朱門哲人獨埋照寂寞少微星汀天耿孤耀先
生任天真坎壈窮登眺披豁山水情採擷烟霞料縱橫
萬卷書寓目領其要澹然聲色外丰骨見逋峭潑墨圖
輞川一一歸神妙我本鷗鷺羣微名走荒徼野性倦簪
紱束縛終難肖展君冰雪文拈花見微笑大雅久寂寥
誰續千古調噉然鸞鳳音愧此蛙蚓竅何當詣高齋更

聽蘇門嘯

國朝畿輔詩傳

卷三十

六

棄婦行爲友人作

桃花何灼灼爛漫迎風開春歸紅已歇鴉鴉莫相催憶
昔蓬門同食力蕭蕭絡緯霜中織佐君夜讀買蘭膏典
盡釵鈿無怨色君今已貴妾已老紅顏那比新人好避
賢不敢妬蛾眉何須定刈當門草野徑雲低樹色微樹
頭鳩婦已分飛也知性拙應遭逐風雨飄搖何處歸

辛烈婦歌

生交鴛鴦頸死化蝴蝶飛情真不相負夙願詎有違辛
安女兒年廿一待字原因夫邁疾暫時瘳可賦于歸書
梁喜見雙棲翼何期歡樂轉成悲劫火燒殘玉樹枝牀

頭視息親嘗藥密約唯應爾我知有子當撫孤無子當
殉夫整衣拜辭舅大義何炯如椿堂定省屬兄嫂血淚
滴枯秋徑草寂寂孤幃鬼共愁茫茫長恨天應老萬籟
聲沈娥影墮十尺紅綃一命託雙成扶上飛龍重寶婺
寒芒歸碧落雨亦爲灑泣風亦爲長號同生方十月後
死已三朝儂身生時心早死隄防空伴家中婢儂身死
後心猶生皎皎還同旭日明前途笑指黃泉路霞峽雲
裾零曉露地下雙雙葬玉棺墳頭新長連枝樹

春草送沈方舟南歸

烟漠漠雨霏霏萋萋芳草雙燕飛天涯一片青袍色相
國朝畿輔詩傳

卷三十

七

送王孫匹馬歸江北風沙春已暮春在白門桃葉渡水
遠天長不見君夕陽照斷連天處

曉行

侵星行攬轡四望意遲遲月落將殘夜風生欲曙時巢
明棲鳥覺霜重草蟲知衰柳凝愁黛長隄故故垂

過臧邨古寺

黃葉邨邊寺無人秋草長塔鈴風外冷僧竈雨中荒燕
壘塗鷄樹蛛絲絡雁王殘碑鐫歲月滿眼是滄桑

凝眸

怨極翻無淚情多漸欲癡樓前人去路天外雁來時炯

炯憑欄倦盈盈理繡遲刀環空有約望斷隔年期

鎮西道中遇友人夜話

莽莽山城暮相逢卸客裝一燈仍舊雨雙鬢各新霜冷
樹零秋序重雲滯夜郎幾年飄泊意斟酌旅魂傷

別貴筑

萬里逢春暮飄然去此城故園歸路遠新序旅魂驚飄
泊傷天性崎嶇見世情亂山青送客一路鷓鴣聲

過大王諸灘作

亂石浮如髻頽波沸若湯湍飛疑發弩溜曲更迴腸一
葉崩騰下雙篙應接忙乾坤隨處險失色問瞿塘

國朝畿輔詩傳

卷三十

八

清河

歲歲逢秋此地過他鄉景物奈愁何霞添晚色鴉爭樹
浪蹴寒聲馬渡河魏闕南臨紅日近重關北走朔風多
時時村落閒凝望衰柳危橋過駱駝

恢復烏蒙贈哈將軍

天授元臣上將才星垣武曲耀三台

九重廟略

從容合一路蠶叢叱咤開報國壯猷懸日月平蠻浩氣
動風雷雄虺九首空搖舌那識天兵天上來

黃金甲冑綠沈槍霹靂橫行古戰場鼙鼓三聲齊士氣
旄頭一箭落妖芒千山似戟麾旗進萬弩如林躍馬當

辛苦元戎真愛國鬚眉寒染夜來霜

長陽道中

岡頭溪尾路縈迴雪意凝雲凍不開滿地黃茅衝虎過
排天青嶂壓人來數椽亂架山農屋半壁新殘野燒灰
聞道南方春信早殷勤猶欲問寒梅
風裏征裘霧裏天草深石滑路難前怪禽叫谷如人咳
老樹盤峯似塔圓僧梵細飄松徑雪魚槎寒泊竹林烟
簡書催赴名山約好向山靈認風緣

清明郊行

芳原春草綠離離好是人家祭掃時何處紙錢燒不盡
國朝畿輔詩傳卷三十
九
東風吹上野棠枝

過邵筠菴故居有感

高齋猶憶舊簾櫳伯道無兒萬事空秋草沒門窮巷冷
一聲鄰笛夕陽風

赴黔西任途次口占

摩空蒼翠萬莓苔山霧連旬凍不開遙望前山松樹杪
行人如豆出雲來

魏廷珍

廷珍字君璧景州人康熙五十二年一甲三名
進士歷官兩江總督諡文簡有課忠堂詩鈔

程盛修魏公墓志公幼端穎戊寅中拔萃科安
溪李文貞公視學三輔延公閱卷乙酉登賢書
時文貞公以一代巨儒開府畿南及門如何義
門劉大山方望溪徐魯南孫我山俱海內名宿
公一見為莫逆交宣城梅先生定九精于算法
九章三角之學公一經指授輒得其要他如天
文地理河渠樂律無一甲三居注官庚子典試
已捷南宮 殿試一甲三居注官庚子典試
講晉侍讀充 日講起居注官庚子典試
江南擢宮詹旋升閣學壬寅管理兩淮鹽課事
務時運庫虧空百五十萬公下車清查據實奏
商力無虧雍正元年擢偏沅巡撫偏沅仍舊名
今昔異宜公咨部入告改為湖南巡撫二年授
郎清查上年江錢糧拖欠積年諸幣大為釐別又
各關年年缺額八年受調湖北巡撫家人經營隨收
隨解稅額有餘八年調湖北巡撫九年授禮部
尚書十年改兵部尚書總督漕運漕船過淮籤
盤官吏需索旗丁隱忍受害公親製尺簡而

國朝畿輔詩傳

卷三十

不煩不能上下其手其運丁盜賣掛欠之弊由
於本地耗費沿途逗留留公洞悉情形嚴行飭禁
是年九月署兩江總督十年復任總漕十三年
補兵部尚書轉禮部尚書乾隆三年補都察院
左都御史四年轉工部尚
書隨罷歸卒年八十有八

放鷹

先驅南山口繫馬東岡上惟聞採樵人丁丁萬山響野

曠非幽棲泉石亦心賞小憩柳陰下悠然絕羣想鷹隼

逝寒霄縈迴出林莽起忽獵騎飛羽鏃鳴秋爽麋鹿竄

蹟深圍合平如掌古人見獵心如此愜俯仰

秋晚泊安陵

雙檣繫纜晚蒼茫秋老河干柳色黃千里雲消鴉陣散

一堤風過稻苗香漁燈水調櫓聲遠簪笠烟波帆影長
怪得五湖明月下垂竿不屑問行藏

紀邁宜

邁宜字偁亭文安人康熙五十三年舉人官山

東泰安州知州有儉重堂集十二卷

紀昀序偁亭伯少有大志功名氣節皆不欲居
古人下而遭逢坎壈所往輒窮抑鬱憂愁一寫
於詩上薄風騷下躡宋元無不一闖其奧

石門

大巧貴天成翻類良工鑿當其脗合時初不煩繩削陰
陽互搏埴鬼斧自推拓四海與九州一氣所磅礴凝結
國朝畿輔詩傳

卷三十

十一

爲山川落落布五岳餘分散岡阜位置少邱壑石門斯
表奇疑有仙靈託上平如岸幘中空似張橐驅馳可并
軌啟閉宜施鑰兩壁青欲滴亘迤絕巖齧虛通延陽曦
庶免逢不若造化亦猶人乘輿偶然作毋乃大狡獪難
道小兒謹平生禽尙志孤筇伴腰腳攬勝周道傍孤雲
捧芒屨

捨身崖

母病以身代二女同顛天一女先投崖端坐神條然繼
者幸無恙粉軀巉巖邊爲善雖少僞猶勝惡不悛彼蒼
豈有意一一區別焉乃知義利界卽是生死關千鈞與

毫髮祇爭一念間野人語涉誕理則通簡編遺骨幽高
崖垂戒炯千年

詠蕉

昏夜看芭蕉奇鬼欲攪人兩夜聽芭蕉淋鈴曲傷神月
夜看芭蕉碧鸞舞翩振總之此蕉耳憂喜難等倫我愛
書齋裏淨綠沾衣巾清簟映疎簾敷坐就苔茵風爐自
烹茶心境兩絕塵題詩不須箋擘取蕉葉新

觀吳映山畫松

吳生作畫如作詩眼前景物皆瑰奇吳生畫松如畫龍
之而拏攫行虛空醉餘乘興聊游戲觀者咨嗟不敢議
國朝畿輔詩傳 卷三十 十一
酒痕墨瀋爭淋漓似吐胸中不平氣昨朝登山偶罵座
蘸筆欲題烟際寺僧徒拜跪客送散不知何預癡人事
誰言嗜酒非英雄阮公白眼哭途窮裸身大呼原自可
拔劍斫地將無同歸來臥病幾兩月杯斝都捐亦奇絕
興來依舊寫長松指輪放出千株鐵

方靈臯先生文集內載左忠毅公佚事甚烈今晤

左君起巖忠毅公後也感賦長歌爲贈

宮中聖人勤斧鑿得心應手云最樂稽顙阮蠟高致同
詞藻丹青安足學運斤成風興正酣忽捧封章來繹絡
用卿何爲乃相溷太阿從此嗟旁落初竊嘖笑市威福

後化虺蜮恣毒虐居然祠宇徧寰海笑殺兒孫滿臺閣
此時楊左真鐵漢烈骨錚錚風嶽嶽片言褫奸膽自寒
連篇數罪髮堪擢闔豎雖怒魂魄奪社稷無虞實攸託
一死報國分所甘可恨毒刑甚炮烙糜軀粉骨浩氣存
常與山河共磅礴忠毅視學巡京畿賞拔史公鑑最奇
衣衫垢敝形虺羸流俗菲薄兒女嗤公言此非庸人知
他年三綱賴扶持狴狴省公公怒麾晝夜邏逮來何爲
國家柱石方汝資胡不自愛乘險噉跪捧公足涕漣漣
目光忽閃紫電馳手舉銀鐙欲擲之閣部飲泣勉告辭
後果建閫扶傾危大厦一木焉能支名與文山共厓屨
國朝畿輔詩傳

卷三十

五

忠臣死忠古多有如公之烈更不朽逢公後裔相與言
猶覺悲風動林藪名賢遺澤庇百世子胡淪落嗟不偶
撫古追往肝腸悲九閻虎豹豈長守白日晝晦風雷吼
拔劍斫地歌拊缶憤懣須澆酒一斗
渡黃河用漁洋先生韻
淼淼洪濤絡地長迢迢帆影挂斜陽堤迴曲岸虹千仞
雁起圓沙字幾行久歎鴻溝迷楚漢誰從碣石問滄桑
平蕪蒼莽浮雲合知是當年百戰場

天漢浮槎詎可登雙丸終古浴崩騰千帆疾下真如鳥
十月初寒未試冰喚渡聲傳樵逕月鳴鑪目斷獵場鷹

明朝更訪夷門道蔓草荒烟酌信陵

李基塢

基塢字露園景州人觀曾子康熙五十三年舉

人官湖南永定縣知縣有墨霞堂詩一卷

李國柱序露園丙寅以前之詩韶音令詞於唐

賢微旨妙有參悟邇來格日上短章鉅篇間出

悲諷與六

義相左右紀昀閱微羣堂華記景州李露園基塢康熙甲

午孝廉余僚壻也博雅工詩需次日夢中作一

聯云鸞翻嵇中散蛾眉屈左徒醒而不能自解

後得湖南一令卒於官正屈原行吟地也又歲

暮懷人之一露園實妙才早歲標奇頰軒鶴入

雞羣泊然見孤迴文章老更成壯懷激已冷嗟

此誰復論相

思冬夜永

國朝畿輔詩傳

卷三十

十四

紅豆樹館詩話露園為河間七子之一錢香樹
先生視學畿輔最賞其才句如秋夜雜感云愛
閒非好道善病卻名醫辛苦下和玉炎涼蘇季
金對鏡云邱壑惟應存庚亮形神自解贈陶潛
由石門放舟云便可澄懷吟鮑
謝何時好手遇荆關皆超雋

送別謝晴峯

君去我如何卽事忽成昔悵望車遙遙俯仰生感激君

如渥水駒行空初受勒我如閣道牛日宴仍負輓所嗟

俱滯淫稍喜得賞析矯首浮雲馳奄忽異蹤蹟人生一

旅雁南北何時息聊輟莊舄吟為贈繞朝策行矣梁公

情懷哉毛生檄候鳥自爭鳴鷄一抵鷺百才華不隱世

輕肆匪高格

蟋蟀

局促不成吟宵寒漏正深天邊羣雁杳林外一鐘沈芳草王孫路流黃中婦心何須更相警秋思已難禁

送盧抱孫先生赴塞外

故園幾夕暫維舟宦海餘波尙未收遷客含情還出塞良家傳檄正防秋三年澤畔靈均恐九日花前供奉愁頗怪投荒惟一笑繁華原未識揚州

題蔣湘帆先生納姬圖

畫榜清歌桃葉新先生書逼二王真明珠翠羽風情在小擘蠻牋寫洛神

國朝畿輔詩傳

卷三十

五

卽目

溪上人來鷺不知溶溶春水蘸楊枝答簪斜挂篷窗掩正是魚蠻醉臥時

紀遂宜

遂宜字絨三文安人吳子康熙五十三年舉人

官浙江仁和縣知縣

雨中發閩門

溽暑陰森氣似秋山光水色不勝愁行來十里橫塘路風雨瀟瀟過虎邱

郎大乾

大乾字容巖昌平人康熙五十三年舉人

山左詩鈔流寓傳案容巖父之正令平原有惠蹟罷官後貧不能歸董臯陳元廣與弟曲江元度予地葬之容巖善書其兄大會字魯巖善畫兄弟並耽吟詠尤豪於飲容巖以中酒卒魯巖亦客死金陵俱無子詩稿散佚無知者曲江一日於京師史孝廉經家偶見其遺墨一紙塗乙宛然有感於懷收之篋笥

序樂堂與家兄夜話

露坐空階夜漏遲白頭兄弟話當時賓朋似雪春垂盡
鄰里如星晚更移粉壁月添新種樹曲廊苔沒舊題詩
回頭默默頻看影狂喜霜髯變黑髭

李法顏

國朝畿輔詩傳

卷三十

七

法顏字愚山任邱人康熙五十三年舉人官獻
縣教諭有棗柏西林稿

任邱縣志愚山選獻縣教諭學宮凋敝顏首出廉俸興修紳士以次捐金逾年工竣又創尊經閣數楹顏為之記嘗奉委賑縣東鄙徧歷村落計口授食全活數千家癸丑景德間水決隄潰兩牧相持民病之上憲檄顏往勘顏為居間排解乃並築隄隄成而水患息

贈于鏡濱先生

幾見棄官如敝屣先生高節異尋常就荒有徑憐陶令
挂杖無錢笑阮郎潦倒懶尋常路客鸞花愛逐少年場
春來定長衡陽價莫吝珠璣一解囊

牛思任

思任字鉅膺號伊仲靜海人康熙五十四年進士官河南尉氏縣知縣

和高毅齋重陽後十日同元允修遊西山喜遇阿

雲舉作

官散多暇日秋光牽我情鬱彼西山側峰嵐互縱橫重陽去未遠天地亦寥清折簡招名流攜壺出鳳城杳杳翠微巔沈沈落雁聲把袂尋幽討偏覺步履輕漱齒青石澗摩崖自記名登高乘酒興一嘯谷風生

陳儀

儀字子翹號一吾文安人康熙五十四年進士

國朝畿輔詩傳 卷三十

七

官翰林院侍讀學士有蘭雪齋集十八卷

四庫全書提要直隸河渠志一卷陳儀撰儀充霸州等處營田觀察使是編卽其經理營田時作所列凡海河衛河白河淀趙北口子牙河千里長河會同河中定河西淀泊大陸澤鳳河牡牛河堤漳沱河滏陽河寧晉泊大澤澤鳳河七海里二窩頭河鮑邱河蘆河還鄉河場河淀七里海二十五水皆洪流巨浸也雖敘述簡質但載當時形勢而不詳古蹟又數十年來屢經儀作書之皇

身軫念民依經營疏濬久慶安瀾較儀作書之日水道之通塞分合又已小殊然儀本土人又

身預水利諸事於一切水性地形知之較悉故數陳利病之議多而考證沿革之文少錄而存之亦足以參

考梗概也

符會傳公生而穎異讀書過目不忘中康熙庚午科鄉試益講求經世之務而以畿輔河道尤關桑梓利害凡桑乾滹沱諸水之脈絡貫注及遷徙壅決之由疏濬濬導之法若燭照數計已

國朝畿輔詩傳

卷三十

六

未成進士改庶常相國高安朱文端公與論經
 帝命怡賢親王偕朱文端公相度濬治世宗憲皇
 善治河者與俱文端以公對王延見於直廡訪
 以治河所宜公手畫口陳洞中宵綮四年春行
 視畿內水利旋以侍講攝天津同知轉侍讀升
 庶子五年設水利營田官分四局以公領天津
 局文安大城隄工皆隸焉自河決後文安大城
 夾隄內外皆巨浸公購荻蔣十萬餘束立表下
 隄隄遂完固至今賴之南運長屯隄隄靜海裏
 過數武歲調發霸州文安大城民八協修百里裏
 糧疲於奔命公去其籍民以為便八年升侍講
 學士延議設營田觀察使二員公以僉都御
 史領豐潤諸路營田於天津仿明汪司農應蛟
 遺制築十字圍開渠與河水通以供灌溉白塘
 葛沽之間斥鹵盡變膏腴豐潤玉田貢山帶水
 多沮洳之區公教之開渠築圩皆成良田轉侍
 讀學士尋罷觀察使領史職如故公前後營田
 七萬畝有奇溝洫既修歲以比登公又慮穀賤
 傷農奏請發帑金採買以充天庾其隨事立

效類如此乾隆七年卒年七十有三

司寇

殘秋月夕同人雅集韓希彥舍人寓齋和苾遠少

簾外樹立影樹杪霜烟浮不醉籬下鞠空閒池上樓明
 月從東來揮杯成勸酬世事逝如水昨日何曾留重九
 高陽池絕絃張素秋
 霜雁度銀漢歷歷空中書翻翻背月來逸響臨風舒有

客方感秋聲影落階除永夜已向闌惕然念居諸願託
歲寒心君子意何如

閔雨

有家無恒產饑飭煎其生可憐白髮親疏食藿藜羹致
此良不易生事名舌耕積日受鎔銖握粟尙未盈所望
年穀熟菽麥溢釜鎡村塾依稼穡頗懷農夫情南畝歡
時雨西風重晚晴連朝忽霏溢行潦遂縱橫簷溜無輟
響雷轍迴新聲父老長太息歲功恐不成餒也已矣夫
一飽何可營

留別李藝老

國朝畿輔詩傳

卷三十

五

將以君爲俠史冊紛堆牀談言往往妙微中憑今弔古
神飛揚將以君爲儒詰屈烈士賜人生緩急時時有乘
空破險誰能當昂藏七尺骨如鐵冷眼看人心膽熱平
生然諾重黃金浮世功名冷冰雪家傍銅臺漳水流銅
臺烟冷鄴城秋常欲騎鯨秋水上有時射虎南山頭行
蹤偶踏塵埃陌幾載信陵堂上客揭來邂逅始識君意
氣相關共肝膈相見時難別亦難一杯酒盡淚闌干我
今衰老垂七十何地重逢把劍看

送別程子東

瀟灑無日贖藥囊歸來松老菊猶芳十年作客少塵事

三選醉花留夕陽他日名山來向子祇今京雒失韓康
送君未到都亭路目斷西風數雁行

宮保屢過蓮池共話次天池侍御原韻

山公最愛習池行謝傅東山共遠情問柳尋花正瀟灑
談兵說劍忽縱橫十行奏牘言泉瀉千里關河坐嘯清
傾倒不知春日暮但聞林鳥換嘯聲

贈牛次經

論交回首廿年餘瀟灑荒城舊寄居爲惜苔痕長謝客
恰投蘭臭獨憐予浮杯綠蟻千巡酒脫手丹鉛幾篋書
猶憶重陽風雨裏相招采菊膾鱸魚

國朝畿輔詩傳

卷三十

三

奇懷每自惜良辰鬥酒題襟選勝頻游戲已通三昧法
風流還似六朝人貧來興味何曾減老去知交漸不親
猶有歲寒松菊在恰逢重九話艱辛

悵望荆門淚溼衣每嗟烏鳥願長違十年孝子丹心苦
萬里孤臣白骨歸重話家艱堪出涕飽嘗世味轉忘機
一尊相對清秋夜月冷霜淒木葉飛

田居

黃茆蓋屋土泥牆籬落周遭草木香欲遣山妻曉蠶織
傍簷特樹幾株桑

大堤南畔小樓西十畝圍開百稜畦自挽枯槔分綠水

手牽雨薤翦香泥

趙尙友

尙友字山泉南樂人康熙五十四年進士官山
西襄垣縣知縣有山泉吟稿一卷

初度日

宇宙一閒身知非又五春宦情憐故我旅食笑因人日
薄西山靄風輕九陌塵端居成底事顛顛守清貧

高荀僑

荀僑字毅齋靜海人康熙五十四年進士官兵

部郎中

國朝畿輔詩傳

卷三十

三

卜梅谿納姬戲贈

紈扇交風玉簟清抱衾人是許飛瓊君家金屋原多麗
珠箔潛聽淺笑聲

五銖絲細紫霞襦香汗漚騰透雪膚深閣無人親掃黛
暗拋星眼看檀奴

秦鑄

鑄曲周人康熙五十四年進士官河南扶溝縣

知縣

平恩懷古

驅馬出東門蕭蕭秋欲老斷岸折驚沙寒雲疾飛鳥云

是古平恩當年佳氣繞豈無甲第開蒼茫空宿草懷古
涕沾裳感舊悲如掃何以百年人龍戰猶驚擾呼酒問
西風天光開浩渺寫意攬秋空清霜一掬小

姜順龍

順龍字見田號麟玉保定人康熙五十六年舉

人歷官四川按察使有采鹿堂詩稿四卷

大名縣志順龍籍保定父天濬遊大名因家焉以保舉授戶部主事轉員外以御史權福寧知府創蘭溪書院改攝泉州府篆所屬晉江縣西倉濱海貢山山蠻數相殺劫順龍請於臺司添設同知遊擊專制其地其風遂易授福州知府有淫祠民好祈禱舉國若狂順龍立毀其祠遷建邵道晉四川按察使四川地少山多解務農桑順龍墾山田禁游惰百姓便之

國朝畿輔詩傳

卷三十

三

渡江至漢陽駐宿與壻同叔話別

帆飽江風畫鷁翔
饒歌聲裏送斜陽
一樽酒盡人千里
兩地書憑雁數行
天外計程愁歲暮
燈前惜別話更長
朝來折柳河橋路
楚樹川雲各一方

高廷獻

廷獻字書思號敬亭元城人康熙五十六年舉

人官安徽安慶府同知

貴池道中遇雨覓宿山莊

車馬山莊少沿門
稚子譁急流鳴怪石
驟雨亂樓鴉排
悶敲詩句消愁問
酒家春膏端有賴
豐稔卜年華

魏述祖

述祖字繩孫獲鹿人雙鳳孫康熙五十七年進

士有靜遠軒詩集

獲鹿縣志述祖年十二補博士弟子員二十四拔貢生平以讀書爲樂已領鄉薦攻苦如未第時皮成進士未仕卒

浣紗石用李太白韻

美人不可見見此苧蘿山我來陟其頂臨風懷玉顏
玉顏入吳國千秋片石閒西家訪遺址依稀殘照間
松風自謾謾鳥語徒關關功成泛舟去芳躅誰躋攀
徘徊以舒眺白雲空往還

國朝畿輔詩傳卷三十

三

謁比干墓廟

突起高邱葬比干直教行路盡悲酸三仁禍莫如公慘
七竅心於此地寒禾黍幾更新社稷柏松常護舊衣冠
忠魂血食千古咫尺朝歌淚未乾

于振狎

振狎字扶青號霽亭宛平人康熙五十九年舉
人官蔚州學正有愛萱齋詩草

上巳宋司馬招集北泚賞梅分賦得清暢二韻

春事倏將暮始見梅梢明使君遊讌暇客來衫履輕
高臺相賭墅校射松陰平蕭散各自適領畧風日清俯瞰

豁日處柳塘春水濼矧當修禊候觴詠敘幽情

烟暝斜日收逸興轉清放梅裏發吳歛玉篴微風漾遠
林白雲生高隅新月上雜坐傾百壺白眼天爲曠醉餘
得佳致火樹連青嶂探梅三度來獨覺此遊暢

歷下亭同人雅集

北海遺蹤水上亭少陵詩碣冷烟汀畫船破鴨頭綠
遠岫堆成佛髻青月影浸湖人未散荷風入夢酒初醒
濟南名士多千古猶賸沙鷗對客星

張燮元

燮元字爾公號澹夫磁州人康熙五十九年舉

國朝畿輔詩傳

卷三十

詩

人

磁人詩公爲文絕肖震川試輒冠軍揚大中丞
建兩河書院往受業焉未幾丁外艱以哀毀卒

杜村道中

郊行喜值景芳菲遠樹鐘聲隔翠微
新雨足時禾競秀野花開處蝶翻飛
白沙平碾迷殘雪綠樹濃遮認落暉
不畏春寒頻駐馬遲遲古道意忘歸

邢芸圃

芸圃天津人康熙五十九年舉人

天津縣志芸圃天性孝友父客都下投徒奉母
東修所入悉供甘旨母病晝夜侍牀簣衣不解
結蟣蝨盡生瀕危芸圃百計營療爲不食累日
歿之日撫棺長號遂咯血不止旬月竟以哀毀

死用其廬者見淚迹血
痕交漬幕上無不哀之

勵志詩

夷齊恥偷生盜跖竟壽考修短豈天意榮枯恒自討不
懷西山清悠悠可終老歎息雲中薇何如不死草
嘯聚有大盜不在草澤中吮血有鷲獸不是爪牙雄高
冠擁大袂攫噬恣無窮廉恥日凋喪翳誰振清風

李 鍼

鍼一名咸字含奇廬龍人康熙六十年進士官

翰林院庶吉士有鄧尉山房集三卷

別裁集合奇先生官太史館選未幾旋卒無有
知其能詩者讀其遺集鬱伊易感滄快難懷情

國朝畿輔詩傳

卷三十

五

至文生咀吟不厭彼山澤之
士沈淪而不章者可勝歎哉

雜感

爛漫年華爛漫愁春光春水兩悠悠卷菴有葉心先斷
杜宇無聲血已流歎逝陸機同閱世思家王粲獨登樓
此鄉信美非吾土冷落胥江一釣舟

生別吞聲已不禁頻爲死別更摧心圍棋寂寞虛山墅
清宴依稀憶竹林季子遠攜留墓劍女嬃空冷搗衣砧
三年伏枕雙垂淚腸斷清猿向曉吟

送友歸鑑湖卽赴辰陽幕

易別還如商與參醉歌燕市恨分襟旅遊舊雨聯今雨

歸客越吟還楚吟潮落嚴灘殘雪盡春生湘浦紫蘭深
相思一夜江花發千里月明同此心

邵泰

泰字時東大興人康熙六十年進士官翰林院

編修

別裁集太史以母氏年高居官未久卽請終循
咳之養詩中暫赴志館戚然于中仁孝之思可
矣風

壬子正月重赴金陵志館偶誦陶詩遙遙從羈役

一心處兩端句灑然有感

春風從何來所過不留蹟人與物同春欣欣各自得嗟

國朝畿輔詩傳

卷三十

五

我獨何爲當春轉蕭瑟親老不能侍饑驅困行役縱非

出山泉仰媿入林翮一心信兩端念此有餘戚緬昔負

米賢歡焉供子職

勵宗萬

宗萬字衣園靜海人延儀子康熙六十年進士

歷官刑部侍郎

紅豆樹館詩話勵氏三代秋曹四世清德歷受

主知以經濟文章顯衣園世其家學視

學山右多所甄拔生平尤工書法出入二王父

子問按文恪文恭均以善書名世衣園幼承指

授故深悉其規範而殫心造微視其祖父殆有

過之無不及也詩稿散佚不傳僅見山右石刻
崔念堂明府
寄來善錄

秋日屯留道中

迤邐平沙一逕通
驅將滹暑仗金風
人行翠陌青疇裏
秋在縣雲絮雨中
砧杵隔村時送響
旌旗臨水偶搖紅
兩年三過銅鞮路
吟到丹楓興不窮

國朝畿輔詩傳

卷三十

三

